

論衡
宮

年申癸未結四

是田苗二千五百六十餘人

前起一結七十八

合一千八百六十四結


仍滿落五結

收錢一千五百

苗一千八百六十四結

前起五十九結四十七元

年



甲乙錄卷之一

斯文事大裂於甲子乙丑之間故以甲乙名按本
家文籍有定百錄侯百錄等母故抄成此編而懷
川誣辱曾翁實由於責善而江都尹錫兩事特其
借耕故先叙規戒本末又以江都尹錫事本末之
次之其下歷次碣銘事草廬事擬書事以及甲乙
後公私之案如源流之訖最是小事故只揭大端
至若曾翁誣案始於瑣錄終於申球故摭叙于篇
末以見丙申源委附以壬寅以後事焉

辨錄敘間
附見焉

懷川
尹錫
兩事
特其
借耕
故先
叙規
戒本
末以
江都
尹錫
事本
末之
次之
其下
歷次
碣銘
事草
廬事
擬書
事以
及甲
乙後
公私
之案
如源
流之
訖最
是小
事故
只揭
大端
至若
曾翁
誣案
始於
瑣錄
終於
申球
故摭
叙于
篇末
以見
丙申
源委
附以
壬寅
以後
事焉

曾西與懷川書 丁酉

懷慶之說茅為左右誦之

懷川上疏請黜許衡於文廟以倡操券之義衛懷慶

人朱子封事不言易之義孔子大傳不密之訓一揆

也聖人之憂患可謂至矣試看今日亦異於朱子之

時矣朱子之時則正與丁母以前相類猶有彼此相

敵之勢矣今日則實無異於麗朝之於金元也單使

來唱奉國氣奪庚寅之已事可監矣誠使國家有

所作為則其不可違於孔朱之旨明矣左右彙封中

事雖不顯諸耳目聖批以正義凜然補之則世人

已想其槩至有傳其封中之語句者蓋不翅不密朱

矧夫胡鬼之斥遂成一大公案命議大臣之舉誰不
知之皆曰微意可見云幾何而不睹於幽藪也此與
所謂不言易之義似乎異矣大抵陽復之幾可見於
舉措上微之矣不當以口語取必於然諾間也陽復
之兆旣明於囊封之 荅而畏彼之意亦可見於
密諭之舉則左右之所以仰報者不必在於大聲正
辯以動遠近也負建鼓而驚眠鼾實非刺席之方也
今觀大疏之末申復一角文字者尤不覺凜然心寒
天理日晦人心日汚密使世道不可但已則固知有
其義矣然此一設事係據第虜人餘校常揣言外之

意若執他辭大加恫喝則生禍國家危辱君父豈非
由我而致之乎假令今日使我秉國開闕絕約不可
一朝遽解則孔達延廣之跡何必自蹈之哉樂庚寅
之變常非諸賢所自期也則俾今日復為庚寅亦豈
左右者之所欲哉不知左右以今日為猶有可為耶
謂不可為則不必為無益之言以敗人國也謂猶有
可為不可為而只作好言語以快一時之聽聞以賭
後人之稱許云爾則決非大人君子援世以道好謀
而成之義也竊念今日之急務莫先於勵 聖志聖
志之勵亦莫先於辨義理義理之辨只在於澄清本

源之地而已何必首先攻黜懷慶然後為天理可明
人心可回耶世道升降之效實在於實行仁政而已
矣至於枉尺直尋之義則又有可議者何則春炭已
丑之行已書年號即我慎齋之義也蓋謂今日與仲
平之時則不同矣春炭去就如有可議者則可議於
已丑而不可議於今日也左右則自己丑至今日以
不書年號為不枉尺之地則既聞命矣然而受職受
祿受食物與春炭無別焉則是徒有不枉尺之名而
未見其不枉尺之實也此第之惑一也士之處今世者不欲有為
則已若欲有為則當如何而可欲為種蠶則未免為
枉尺之故而不為種蠶則又無不犯手而做事之理

笑差使朱子當此則何以處之乎當不為典種蟲今
之間有他一生中止之路耶此一歎亦乞明教
日進退左右與春炭微不同跡然其擔著世事則左
右與春炭吾未見其大異也既已擔著世事則其出
其處所爭幾何論其自重之道則春炭有愧於左右
而論其得君之專則左右有加於春炭矣市南有
挾之疑恐不可開其口也此第之惑二也竊觀左右
所執欲主於不枉尺之義反似此孔朱之旨相左則
第不能無惑焉幸賜一言以開固陋之惑日弟共草
廬書曰今日憂同春之憂小憂尤齎之憂大此第之
案心也然第之所憂不專為左右者地也念我聖

上欲將有為虛心求士而士之所以應之者不出於
先辭後案之畧則其於血誠酬報之道當乎否耶今日
所患已在於務名不務實治舊一事只是文具而已
朱子差論今日之事則其先辨義乎其先仁政乎亦
教明天時人事日益危急災異之沴見不可知為某
事之徵而或使國家萬一有庚寅之厄則吾恐天
人咎責一敏於山林而士論一聒即見斬伐銷鑠無
復有可為之望矣此弟之大憂者也

又荅懷川書

戊戌春

前書說語儘多枝葉以致執事不暇詳究今日所患
不患無其志而只患無其實矣徒善不足以為政徒

志不可以有為則今日急務果在於言語而已乎愚
意以為不若於施設上著審措畫如朱子所謂定為
幾年之規則使上下曉然知如此然後兵可強國可
富讐可復恥可雪則不待懷慶之黥而人心有所信
向矣知行兼進不惟學問如此訥言敏行不惟學問
如此愚以為為國之道為亦當如此也不然而瀆陳已
陳之言強明已明之義而無一毫見諸行事之實則
不幾於有目無足者類耶今我 聖上仰成於左右
者不翅若蕭昭漢烈則東民生死之命只係於左右
之手矣遠猷辰告綢繆臚戶金始魚水之契何可讓

與別人而徒欲以一身獨當餓席之蹊哉來示謂朱
子為當時徒說復讐而無一著實舉措故為此不言
易之說云此正第之所欲言者而左右先獲之矣自
已丑以來三代之治九世之復不絕於細瑣之講而
算使來喝齋咨涕洟而已即今治兵繕甲惟日不足
而事聞有一二大變革之舉軍政未修積弊未祛有
甚於梁谷之時矣日暮途遠之批何事不做之
教徒煩章奏之荅而已則於及此用暇盤樂怠傲豈
非孟子之所戒乎當是時也士之告吾君者其當以
詳義復讐之言進乎其當以斯文為仁之說進乎若

使朱子復生於今日吾恐不易之外無他說也執事
所謂第之甚不詳悉者指第所謂不計有為與不為
只作好言語云々之三款耶第亦非謂左右今日之
心直是如此極論其虛弊無窠之弊而不自覺其到
底也便以此為困蹙而不復講明義理則愚亦請誦
坡公諷司馬文正之言以敎之也且所云々非以利
害裕福而發也灼見其效終至於此而在我語點綴
急行止出處之道欲求其義理之至當處耳先以利
害二字作第題目而開其講問之路則其在諸賢好
問好察之義亦恐非小害也

與草廬書

戊戌十二月

右齋曾在草野言不翅正且大矣而及今當路反不服人心以其言則一途不難致而見其政則猶未免有循俗之轍小、人物通塞其何能障塞滔天之禍哉竊聞九門只有私昵之人往來騰舌而已無有如武侯之法正者云果然則諂諛之言至於前而正士退聽矣存亡大計豈足與殲、餘子而計之伏想左右於君父則固未易盡其言而於尤翁則何言不可盡乎法正之責深有望於執事幸毋泛聽如何市南書中之語亦以不可有為、言曰同春則歸意已決

云：誠極驚瞿尤翁今日不出則已出則諸賢之有
退意何歟從前尤齋自執之義非不知光明俊偉而
誠覲今日事勢有不可易而言者故妄論曾有所獻
而不見俯採高明亦且是尤而非第矣尤齋所持只
在聖旨之卓然而所案之舉則亦非尤齋之所可
保者也同春亦未免有此意思則未知尤齋將與何
人而能辨大事乎語曰其言之不怍則為之難做時
不如說時非前哲之深戒乎

與懷川書

己亥二月

近聞諸賢於克上未明義理之下於用人上未已別

公私之分遠近傳說不勝其曉々幾何而不至於失
望敗事也哉試以一二事言之駘張之事執事既不
能辭則雖不近身亦不可禁人之後况司春則常以
為着云憲官自被千金之裝而發令禁他其於寧物
之道何如也執事與同春不可二者執事之不著恐
無其效矣此一可恨也執事之承此毗倚何等陰遇
市南之蒙此寵擢何等舉措諸賢之所以慙之者將
如何報塞也執事之進市南若有一毫私意則君
父必不準許而君父既信執事之不私故一言得
悟有此盛事則執事之待市南何敢容一私字乎執

事雖不為私人言以為私也則亦不可不恤也而市
南蒙恩之初一家姻婭即皆登政豈執事徒恃我
心之公而不察人言之為私耶此非但執事之不免
亦非愛市南之道也竑恐君父因此疑市南之有
權也非徒市南而已草廬家亦然鄙等家亦然此二
可恨也執事之處市南如此故人之處執事者不過
如流俗移情宣惠郎廳衆所碎首處而竟敗於仲氏
時杰衛司初仕有力所能占而洪令為諫甫時
執事於此安得辭其責乎莫謂不出已手俗眼奚翅
十目此三可恨也草廬之言曰使我入京則先去貂

表之著然後可論其餘云妄意亦以為宣惠郎廳郎
棄不行然後俗人之私竇可塞也執事以為如何

荅草廬書 己亥三月

今日使尤翁遽然告故則寔不免千古之笑固不但
為儒者詬病而已且聞炭翁欲觀尤翁之為而進退
云而尤之當國踰年未嘗一言相訊云此何道理諸
賢平日在野時上下論議雖或有一二不同處至於
當國之後反同趙葵之相視則顧安用朋友為哉不
與親友共謀而徒與流俗周旋則宜乎發政之不免
人言也今日炭翁之決歸尤翁擯之也可勝惜哉炭

翁亦然則其他可知也又書曰如左右之好談義苟或認我為義謬人為利心利欲而義言義而行利則不可說也

又與懷川書七月

春堊一宵悅夢寤台誨多少數日閱釋如而猶有所未釋然者武侯之出只握益州而則終始能成此志而已不必為成敗而輟也高明既以失一安漢為定則終始要成此志可也托以不受永安之詔恐非至言也且聞台意既敗之後倘以此事言之則當復起云其既退還入何不密告上下申以紹述先王之志筆乎先王志業如封三爵復金官等事祇

足慰士大夫之心而已至如奉三無私固結民心以
為祈天永命之大舉措則有意而未就焉執事之報
荅先王願不可以幽堂一誌能塞其責莫如修明先
朝所欲施設者入告出諷雖於春市諸公徧詢而切
言之上下皆不應我然後決意而啟亦未晚也靈芝
之出已在於內批之先則不知他日何以報先王
於北原耶吾恐手握一品官教之譏復有作於今日
也

又與同春懷川書 己亥九月

願我心跡元非敢與於人事而惟其願作諸賢之諍

者則素所蓄積也請畢其說以備財幸天不祚宋
大喪同極先王之盛德大業只載於一斥誌而
藏諸地下而已招賢列位所成何事送往事居欲忠
何許諸賢今日必有譖此道處此義者云々諸賢大
道必以保合同異為先至於邪正大閔至欲不卞而
并容之而反於同舍之中未免有小分之歎何也始
聞俞趙兩言不能見信於春尤之門繼聞春吃兩間
亦且有矛盾相鑿之譏不知兩台何以得此辨於街
巷間哉每謂諸賢凡百敵為必當合謀徧議而發方
可以有成而無悔今何不然各主一方以致傍觀之

竊議乎今日救弊當先於一春尤而信炭市退浮薄
而進訐謨以正朝廷以植公論則豈獨吾儒今日之
幸竊為萬世之福也草廬嘗以兩台每好角論為大
悶憂曰當國之後不如在野之日而各立門戶人言
可憐真確論也及聞曉之談曉不勝耿々率口盡言
不復知裁

擬荅懷川書 乙酉

竊讀戊申封事論天下之大本者一而急務者六天
下之大本固在於人主之一心而今日格君之責竊
在於執事自劄所引不世之大功易立而至微之本

心難保中原之戎虜易逐一己之私意而難除此一
語豈獨人主為然哉任賓師之職者尤不可以不知
意也欲吾君之無私意則當先去吾之私意欲吾
君之開言路則當先開吾之言路請試就此兩端而
畢其說焉昔我市南每言執事篤厚於親舊故有情
勝之弊則過於嫉惡故有量隘之病蓋所愛則不知
其惡而又未免率己而從之所惡則不知其善而又
未免過審而疑之加膝墜淵與奪高下一任於己意
聰明掩弊好惡顛倒而或不之覺物情之不厭置在
於此則私意之當去者也石湖兄嘗言儒者之出

世當先以王荊公參前倚衡可也蓋儒者必行已志
故不免以同己者為賢而異己者為否動引古昔故
不免以承順者為知我而以疑難者為不知至於已
志之不必合於義古昔之不必當於今則有未暇反
省也如醫書之有藥方不可謂非古方而用之不當
其症則便為非矣今用藥而不當症而人或非
之則拒之曰此古方也而不可用乎吾故施之鮮色未
免於拒人附會之風習無恥於面諛以執事者察之
明好問之勤而人或以聽納之不弘為病者或者主
張之有過當處也此則言路之當開者也武侯勤攻
吾相之言
不聞於門下弟子之耳目愚昧之棄不得慨然於
千里之遠也痛瘡聞草廬之論一切禁抑立異之說

夫各有見人安能一一相合難疑各同正好相發而乃斥之以立異則不亦偏乎天下無異議寧非安寧之術乎知如他今當先斯二者然後私意退聽而公論顯行倭人屏跡而讜言爭門吾之一身常立於正大光明之地而正君定國之初於是而在矣至於所謂愚務愚以為天下之勢合則強分則弱不易之論也西南之偏論不破則梁益之半決不可以曷吳魏之全矣川洛之標榜不除則閹牆寢之殊非所以禦外侮之禍矣此為今日之痼疾人無不見而莫知救藥者也愚以為事有本末先正其本則末無不順者矣敢僭陳之兩賢之論定則異端無自而作士習不壞於

醜正人才可通於器用而偏論可以漸消矣註見本集禮

訟之禁解則吾道自故於公見疑者得釋於平恕立

異者無害於辨質而標榜可以即去矣黨論為亡國

正之說也今此禮訟又為黨論中之黨論彼則自以為

為無他心而此則必以為有私意被政者則自以為

枉而攻之者則猶攻一切論之以收司之律層加蔓延

已甚而論者則猶攻一切論之以收司之律層加蔓延

定為士論者則猶攻一切論之以收司之律層加蔓延

多真狂者今十年矣其間宣無真者彼海尹者固是食

用之物非媚嫉牢不可用其能久則洪諸人難所

失之況小尹許二讓賊毒螫之物而中人縱渠有註誤之

不能解心訟精之匪先之量外可以而服人之心彼而

人者亦安得不為之感悅也刻為主云畢然則偏

諫之風益滋矣其為世道之害尤不可勝言愚以為
當國者當如王文正之斥張師德司馬公之薦列安
世然後自重有取之士可得人著其之此則所謂
只界謂趨走之流耳有識之人著其之此則所謂
其樂出於惟此兩端消融保合然後同寅協恭聚精
門下耶
會神朝廷正而廢績熙一綱立而萬目張矣愚以為
此最今日之急務也至於施諸政事者則保民為先
石湖之意以為今日收布之民不翅倒懸任事者先
解此急然後民力可紓軍政可修不解此急而欲紓
民力則為虛言也不解此急而欲修軍政則為未務
也非徒無成而其害必速矣由是而言之去私意開
言路者格君心之本也破朋黨者正朝廷之本也

地收布者保民生之本也行之以誠持之以久所謂
真宗功效可以馴致而成敗利鈍真可以責命於天
矣抑念壬午封事以定計為要道此誠不可緩者也
噫今天下左袵而吾東獨不剃髮此則不和諸人之
功也大義晦塞而吾東獨扶一脈此則今日士林之
力也豈但人謀殆是天意雖與文王之事昆弟義有
不同若論其世則正相類矣創業垂統已在先王
而緒志述事宗在聖上白賤死矣延廣枉矣仁法
文王之政義諸春秋之責由是可興闕道於而東方
矣昔者不接僧與教以善易之義註本戒先虛辭之
失而弗察即可矣小事亦不可以虛聲僥倖於高

功況莫大之事業乎暴虎馮河者不可此之書或垂首
大言記還舍者不可托以心腹事知前日之書或垂首
耶否此則所謂定計之不可不審者也從前鄉見不
契高意莫助於盛德而有美於私分咏指知悔不欲
更顧人事者久矣乃今何感 隆恩俯愧知遇欲吞
還吐終復辱發書不盡言、不盡意

農隱辨錄曰懷川之於先人其精疑之心見於外
者自丁酉戊戌以後始明齋平日未嘗不深疑於
此而未知其由於何故吾每以為責善之致明齋
不信也經歷既久深知懷川平生為學不出於名
之一字又知其克伐之私為其平生病根然後始

悟先人所以見忤者案在於丁酉以後之往復諸書也蓋書所論義利之卜公私之分此名案之間本源之地真訂案疑不一而足此常顯道疏中所謂情之厚故憂之深愛之篤故誨之切者先人之至誠在是而不覺其切中彼之所甚諱者遂視先人不翅若一敵國而先人不之覺也庚子禮訟之後先人以彼之斥鑄以禍心為太過者本亦為彼而發而彼便為執鑄而病先人之計其案所怒於先人者在他而所執以為言者鑄耳當磻文之謁也吾以為我家憂人太過以德取怨者多矣不可

輕托明齋不聽曰前日雖有些少未契豈以此自
阻也畢竟忒克之心尤激於已酉之書以錫為阱
而墓文包得無限辱端至於明齋書札出而轉成
滔天之勢原其本末皆由於責善也

曾西辭咨議疏

癸巳二月

臣素藉父兄之餘只事科舉之業所志者聲祿門戶
計而已本非讀書求道晦跡尚志之類也不幸丙子
之亂入于江都臣仲父姪以宦宦直在闕內臣亦挈
家累相依於城裡仍共一二士友同志共事及城陷
之日士友等俱死仲父姪亦終致命焉臣則頑然忍

慳一死妻決於目前子棄於道傍而獨隨使臣之往
南漢者冀見病父於圍中進不及城下退不填溝壑
轉輾得脫終始偷生臣外負朋友內愧妻子不從於
仲父而為奴以苟免焉臨亂失性處義無狀追思至
今恨死不得身名敗蟻情理痛刻俯仰天地無面可
顯云々

江外陳情疏 乙未十月

曩日江都之事臣不欲與言而臣之深痛寔在於此
臣仲父焮以宦官致其命而臣不得與之相枕而死
士友權傾長金蓋兼等皆不負其志而臣不得與之

同日而死妻決子棄而臣獨頑然苟免如臣此累非
徒奉世而僂笑之也求之於古亦志士仁人之所膏
恥惡而慨傷者也臣心大恨以為身已敗矣名已辱
矣甘心自廢以沒齒矣云々

辭進善疏 丁酉十月

臣始以妄學陳東之所為終焉不免為尹穀之罪人
顛沛流離驚惑失性云々臣又大懼自分此身已不
能作完人寧可廢絕世事委棄窮山不令醜敗人物
煩污於公私遂自跼伏先人邱墓之下以畢餘生計
也

孝廟批曰具悉辭意嘉爾之守志不寢而反感其太過也何者未聞陳東終致尹穀之死者也二人之事不同何乃以此遽謂之死罪乎是予之所不解也勿辭從速上來以副至意

再辭進善疏

丁酉十二月

臣疏所引陳東尹穀之事臣非敢以古人自況也特以所遭適其之同身臣於丙子之歲再上太學之疏屢慕正義太似郎當而畢竟未免顛沛於江都臣竊以此為大可恥也夫士無為國必死之道云者定計於常也既在圍城同罹危辱則臨亂首免獨不愧於

心手假使陳東當尹穀之地則其必服死而不忍偷
生也明矣臣之傷痛實在於斯終不能以已往而自
慰也且臣既與仲父相依於一城仲父則死臣則獨
生長逝者魂魄埋鬱於冥漠而臣乃竊取虛名邀蒙
收錄之恩臣何忍自間於幽明而苟然安其心哉
此又臣之所慚痛者也今之論臣本心者或以為其
友同事友死而不能死或以為其妻約死妻死而不
能死用此引咎無意仕宦云亦莫非臣之寀狀也然
臣所以為此者非為友也亦非為妻也只恨臣身之
苟活而已抑臣為奴之狀則人未有斥言之者臣請

更陳之珍原君世完之奉使南漢也臣謂仲文曰江
都既陷南漢且危等是死耳寧往南漢得見病父而
死可乎仲文曰汝其往矣得見我死言我之定死也
臣即辭訣於仲文請於世完而為其奴同渡甲津直
抵南漢而不得入城適爾回鞭初計不成只辱其身
當日行中之人誰不知之蓋江都之事誠有所不可
忘者則朝廷之所以處臣者許其知恥之心而憐
其忍痛之志無使變易其區區匹夫之守不亦可乎
孝庙荅曰省縣具悉爾之所謂死罪無非婢仆出俗
之行予之所以憐不能忘而必欲致之者也一番

來謝有何傷乎爾其勿為固執從速上來以副至意

荅懷川書

丁酉十月

弟自叨 恩以後陳乞等事一稟於先生而今時異
於古時故不難一節乃學左右者之為先生亦不之
禁矣至於不御一節則以弟之遭變古今之所未有
也和靖之見陷也若果被執倫生如江都之為則其
所自處似不當如許矣第常有痛傷於中心故循初
自廢之志不敢復齒於世只稱生員死罪蓋出於不
得已則先生始訝而終許之矣先生嘗謂曰江都之
事非以不死非汝也只為處義之乖耳弟對曰使宣

拳服死如尹穀者則其誰非之只是倫生故有言耳
倫生為大可恥也以江外陳情疏草呈之則先生猶
善矣世之論者不其諒人強以有累者為非累可死
者為無死其視懷傷引痛之事有同薄物細故蓋是
私我者之言也且念拳世忘恥以衆自慰假令辱人
知恥太過亦不害為風勵之道而必使如舍恥字遷
就他說者非知我之言也第之蔽性終始莫變故違
悖常例甘心罪戾而聖朝寬宥恩數不置是第之
尤愧懼而悶塞者也每自惟念今日痛傷不但吾私
上批若及江都之事則當進毋忘江都四字以報荅

聖恩之萬一仍暴不拜不謝之本心者素所蓄積也今承聖批乃有云：故遂成此疏將欲陳情未知無妄江都四字亦非賤分所敢容喙者耶

附懷川荅書

去就之義草兄則疑兄之容易出脚愚賤則恐兄之倏忽遂初終與高明之見矛盾也無忘江都四字看來不覺起立果能明此義理則勝似他人十年啓沃之功矣第未知渡漢後意思果能如湖海否

與李甥敏迪書

入城陳疏之行白江書勸出謝故有此書

丁丑首免之恥私竊以為不可復齒於世矣不侮少

不自量敢與於太學餘論及入於江都又有呈辨於
分司者而終不免偷生臨亂失性處義無怙何可強
顏人世自比於恒人哉其為甘心自廢固也橫被虛
名猥蒙收錄世祿之義不敢終始偃伏稱病乃生此
陳情 國門之計區：本心不過如疏中所列而已
或以為只將竊名一段明其不敢當之義可也大其
私心刺謬矣或以為垂用職之際一八謝 恩而故
可也此不諒人心者也抗顏束帶本非敢出而一進
陳情素所積也私心所服如是而已幸為一誦於鯉
對之際謹受鑄誨回以教之也

荅炭翁書

戊戌

蓋第本心矢不敢出世路者只為江都之事也此則
高明恐不可以言語解之也亦不可因一時寵幸之
旨而即可洗滌之也居常以為聖上說及江都
則極陳微情冀幸感徹者寔是本心也自前冬以來
聖教詳說不翅丁寧故乃敢赴闕自陳只將下
懷反復言之以明自廢之寔而已聖上若察愚衷
俾作今日之杜舉則未必無補於世教也僭妄之論
離極狂率亦可見其本心也

日記

在果川待疏 批景陽姊兄來見言申孝思聞君疏
辭引江都倫生之嫌吐舌曰可駭蓋恐指斥之難言
也且言金當一入謝 恩云余以書報曰在園中時
君謂余曰各自靖各自靖至今中夜思之不覺愧心
赤顏不意今日君反勸余作忍恥之男兒也尹希仲
亦荅書曰北師渡江康王寀在軍前云云以余江都
之嫌似當有所為諱處也皆與余意刺僂余寀陷賊
人也以他人而言之則不可也當日同患難中人言
之何害焉非徒無害於義寀似有補於世也金荅希
仲曰攀世忘恥余何為不言恥字乎俞武仲見金疏

草曰不必每言江都事耶余曰所以屢及江都事者
誠以為今日之義有不可不盡言者 聖批或有答
述之意則余當極言之矣武仲然之未知語默之道
如何而果得耶乙未徃浴溫井朴躍起來訪問余曰
辭疏之意以不死江都為言云信否荅曰然竊其差
于士友約同事而士友皆死而獨生可愧也躍曰然
則無不可矣前日權次仁問余以此意余曰江都之
事余則以為必不可不言希仲曰今日有所避忌不
可言也余曰以余當今日故敢能言之他日則不可
出口矣次仁曰領得云躍起之問亦其次仁同意歟

余之本心不敢索言之耳 按魯西之前後文字以
江都事引咎自廢者惻怛懇苦千載之下可泣志士
乃懷川平地生波於一生一生之後覲辱因極誠難
以常情道也原夫懷川之愠始於責善戊戌己酉二
書屯剗切針劄故乃於數十年後兩家釁生就其二
書中剔出盤樂怠傲句踐近廣兩語為罪而以江都
事幻捏起頭著為瑣錄以伏後案後來疏竊本於
此而又添以其炭翁書中杜奉之句日記中尹錫朴
躍起門答文致成案故并附見于江都事自引之下
以明丙申誣捏之之源焉

曾西與尹鐫書 戊戌

訟端云云竊為兄訝之且兄不自應訟則無可勝之路兄意不過欲使諸公入告而直為斷決之耶若一毫有此意思則千萬不是非惟自處之誤亦非所以望於朋友者也蓋救災恤患雖是朋友之職而亦非謂不分事理同然和附如小人之黨也今日若使諸公公誦於朝右此而屈彼則雖快兄心顧於訟理何如哉已不應訟而朋友助成則在兄之道亦安免要上壓下之議也此是公私之卜隱微之地人所不得知者在兄之密察而猛省之耳第之平日期兄以為

明智今當此節兄之前後所處有大不滿人意者謀
身如此謀人可知謀家如此謀國可知非但弟之失
望兄將何以自解於古之人耶謹言慎行讀書守靜
今日之時義兄則不然自守孤高大坐街衢治茅拳
贏有同俗流而言無諱忌行欠周慎歷詆朝貴評論
時政率意徑情動觸機穽游談者又從而尊獎之曰
某也真大才可為將可為相云此是足以損兄案德
而嫁兄世褻者也如是而居於都下吾恐其褻至之
俞速也傍觀者憂兄之危不啻履席涉水而兄不自
覺此亦係於命運而不容人力於其間耶咄咄

己亥
春宋

相果從白山訟事以為徵士不可待以訟者請不查
而直為史給魯西典宋書責之曰執事直請不審宜
事理常非愛希之道也

與草廬書 戊戌

權次仁昨到說及多少九齋訪希仲曉來而夕返希
陳許多說語九問中庸說希言云云九齋啟後希書
申問渠所陳說之如何則九荅曰朱子不知子思之
故思之而不得終夜外痛云而不荅其他云高明所
示者蓋指此耶妄意九翁訪希之前已知希見如此
則何必更問雖問之何必復訝也他說有可採者則
固不當以中說而廢其餘矣得非吳韓魏公之道異

耶當國之道酸甘同異悉皆和劑然後可以有成矣
一希尚不能用則其他又何說焉尤翁出世案為一
大事嘗曰欲處大事則小底姑置之故如邪正不卞
之論愚謂是亦魏公不卞白黑底意思也於彼既如
此則何獨於希仲不能容之於度內耶高明所謂先
立其大者則雍齒廉藺皆可云者該確論也誠使尤
翁終卞中庸如執事之云云則異端二字大起尤門
之爭端矣士林中自成鄉譽之因塲則 宗社大計
自未免墮落於茅二件事矣譬如猛數磨牙指伺而
室中生火者然高明其不慮及於斯耶

與懷川書 己亥

爵希事今承明教始鄙書之有在也左右當路之後
後知無不言是時希仲去喪許久而自 上無訊問
之教視前欲賻喪之舉未免有推輿對不承之歎左
右方在 上前一言道達似不可已敢以具布者非
獨為希也也不料高明以此一言便認為爵希之意
也莫非鄉書辭不達意之致而抑我高明未能深究
第之本心只以書辭遽疑之也每共草廬言及兩台
援世之道不必在於爵位亦嘗仰布於高明之聽矣
至於希仲反以縻爵為先乎高明之疑第非但失其

辭也蓋亦失其心矣

希仲事市南尤不諒人必加職名於希無益於政不
宜強拂群心不可說也用希不必以爵只採其言計
則或頡或頤豈非有補於公私乎不獨希仲為然草
廬亦嘗大為上下所厭薄心迹未盡暴白其行次
且為得已乎執事之進此兄亦恐不在於憲職也使
其言計得行於公座則是乃真用草廬者也彙征列
伍縱朝著之盛舉是而一時驟登亦非吾黨之先務
也已卯已事可戒也吾輩今日出處雖殊禍福同故
何言之不敢盡手

荅尹錫書庚子

議禮之初朋友有問則荅之乃常也及乎傾危之說
幻出陷人之窞則明者所宜失色而却走處也高明
乃反以是說復惹已傳之訟則此果君子忠告善導
之道乎所謂憂憤二字尤所未曉國家存亡在於頃
刻之事則被髮冠纓所不當避也禮訟雖大不過一
春官之任也則高明之不堪憂憤無乃太多事乎且
所謂太陽之症高明引之誤矣朱子則自任以當世
之務而為群少所斥退在鄉里而時憂國計不勝輝
介而輒發於言語間矣高明則不然以顏子而不開

其戶以馮婦而攘臂下車籍炎炎之手主堂堂之論
案是甘陵之餽習恐非晦菴之用心也而况高明不
見夫往跡乎冲菴復如之疏竟為己卯之裕胎今此
禮訟之末安知不為士林之深憂乎 聖明在上日
月下燭天必祚宋寧有此患而世度無窮人心難保
一時妄發或反為衮貞之嚆矢矣以言誤身為世所
僣者古亦不無其人則恐不可諉以太陽之症而不
自知檢也愚又有一說請為高明索言之也向日端
山事咎在他人者不可奈何而高明自為之者亦不
能十分是當則其為日夜疚心痛骨思所以遷改者

庸有極乎每見高明焦心苦體奔走憂遑之狀傍人
亦耳惻然惻然高明此際何暇念及於他事乎高明
與人書每以此類反薰而言前後疏章亦以此痛告
于 君父矣防墓未修之前共聞國政決無是理高
明何不諒此而每入於是非叢中重複上下之疑乎
言之及此不勝痛恨高明論禮之義設或皆當高明
恙訟之舉千萬不是當禮訟之初作也人謂此訟由
於希仲之鼓侏也愚則不信曰希仲靜者不當如是
也又有言者曰希仲力排尤台必欲好勝其論專主
傾危之說云愚又不信曰尤台斥希之公希無不知

寧有介懷報怨之心既而高明抵草之書出則果若
人言矣愚於是慙然深慚累日而不能自釋人或來
問則愚輒應之曰希仲今日之事大錯大錯高明所
聞蓋皆非虛也若謂愚亦為謗已而發不之省悟則
愚亦末如之何也不待高明顯絕而後始退也噫朋
友責善之道亡已久矣高明果信愚言卑自知改則
不至於今日之誤著矣即觀士友之素厚高明者莫
不視高明為癘疾人駭走而不敢近者無他者以其
所自發者危機也而高明尚不覺悟反咎草今欲以
人倫道薄責之此所謂鑿者欲射而責其垂涕泣者

也高明何其不思之甚乎
今日為高明計者莫若小
吐盡肝膽閉門却掃不其
交搆者相接則人乃知高
明之心不在於報怨而服其
涵落之本情矣不然而
怒人而不自怒答人而不
自答不能含默歟不
則終難自脫於大小尹之
目而轉入於不可言之地
矣

又與尹鐫書 辛丑

自素谷聞從者將以月川為故倍覺感歎想已去膠
漆之盆好入清涼之境比之向來喧煩卑汚底活計
景象趣味未知如何不佞從前每以此道勉諸高明
而言不動聽居常憫歎乃今高明備嘗經歷顛頓狼
狽而後始辨此行雖曰太晚亦云幸耳欲挽江漢之

水滌盡高明滿身垢污高明亦惕然自覺於斯乎朱
夫子曰自家身心尚且奈何不下如何說得行道救
時底話高明自此小心知困咋指杜門息交絕遊而
獨與炭翁講得不怨老卑自牧之道則前頭當有無限
好消息矣○似聞高明於攻己者一皆稱之以詖淫
邪遁之說云是信然乎高明於論禮處義兩皆無當
則唯當責躬悔心之不暇何遽非人而自辨為哉果
若人言則江外一息程無異於城市之闌雖有曾子
之謀忠難與并為仁矣炭翁書不能柔克則何往而
不顛沛此真知憂高明者也千萬痛此而不改則愚

亦不敢復以藥言進於左右矣

錫見書
不答

答權月川錫辛丑

別紙謹聞命矣弟之愛慕希仲者專信其為灼若處
子乃今反倚於市門首欲如此則何必徃期於故妹
之月乎渠縱自謂我不誨淫人必不之信矣娼家之
講禮雖有周公之美亦難見許况其斬衰無稽之論
乎渠不量已分不審交際妄與人事自落坑塹不
為輕脫之病所坐而乃曰事係宗社安危不得不
出位而言之云々人益大駭愕遂以衆貞目之何可
勝言渠不我信終有禮訟再恙之舉到此地頭渠已

作馮婦矣道既不同則不可相謀而渠有書不容不
答故又書切之冀其知悔而渠又不之省無奈何矣
道之相去已不翅千里之遠矣兄則以希為猶可保
處士之介節乎始則三顧慙慙猶將堅卧終則一毫
挫人若撻於市躁靜高下判若二人痛惜之情不但
如身蒙不潔也

與炭翁書

辛丑

高明試論希仲平生自擬何等人物而今居何等地
頭欲做何等事業耶尤台始推希為伯夷中疑為希
象山終亦希為袁貞三者皆過當矣愚則始謂希為

欺今中謂希為過越終謂希為輕脫自謂深得希仲
之心而然念世變無窮人心難保輕脫者或未免為
他人之所作弄則不可說也今有灼若處子冶容而
倚市門則人其不以誨淫賤之手雖欲自生好議論
不過為娼家之講禮也高明不此之思徒以穀諺過
情若為明饒者然恐非真知處希仲者也愚謂湍山
之而高一病也必為希仲終身之累故冀其速悔而改
人言不知則徒以補為言恐不深思也耶希仲為
恐將至於無可為之域矣愚亦不欲索言之也竊
料高明以愚為偏於斥希故向愚說話不免費力至
此而其於向希說話則亦如愚言之責希歟不然而

區區於為希分疎則非愚之所望於高明者也且愚
欲開一畧禮訟已旼筌蹄黨裕將成大亂其勢不止
於亡身亡國而已則如愚老棄無用者亦不宜攬入
於傾波之中高明勿復以愚父子姓名舂錯於上下
之論如何

辨錄按先人諸書其所以責錫棄錫者亦嚴矣錫
亦為交道非復昔日則可謂絕矣當其已亥山訟
時先人顧慮錫之以宜失望於朋友或責如右而
乃懷川筵白豆請決給究其情形此必錫私相通
懇於懷川而為此舉也懷川之比護於錫何如而

先人之公正又何如也懷川書自謂丁丑後已忘
身斥錫而癸巳為殘陽云者據此一事自故於脫
空而不顧公理宜請不查可謂忘身為錫矣進善
之擢謂迫於先人則此則又迫於誰耶先人禮訟
後責錫甚迫切其曰自發危機曰倚門誨淫曰言
身垢汚曰將無不至所曰不待顯絕而自退者可
謂殆無餘地而至於錫不作荅則真君子不惡嚴
之義矣豈如懷川之肆口罵辱而後方為相絕哉

懷川祭魯西文 己酉

衆流奔趨砥柱不傾兩儀昏濛一星孤明惟不有是

其如世程嗟兄源派匪世所埒八松節義坡翁道學
早游膠庠士友皆傾揚言扶正莫共爭衡中罹大艱
非欲尾全文山倉猝腦不關年且在觀志身不敢專
自是歛跡專意此事惟此一事尚屬自己霞谷連床
墜緒遐尋西山留聲所造俞深遂從慎老溯其淵源
即事實問縷析毫分慎老之殁型範有在一方之士
以所事事賢者依敎不肖者畏雖不運動曷量公利
九臯群聞殆招昇至不居官名仍稱進士雖若撝謙
意寔有在荷衣蕙屨矍然不滓 西朝擢掇一節始
終頑廉懦立洒落清風既共世違今胡風素與化為

徒修短曷計俯視人世擾々蚊蚋而我無狀猥蒙勗
鄙山村水店蠻序蕭寺追遊功磨兩忘所趨書疏往
復三日為踈捐滯之性无窠箴規粗厲之心无窠醫
治論議之間惟諾是取長言短語傾底竭意差差爛
熳不知其幾庶幾相賴粗免罪悔今其永乖誰我矜
誨惟兹式穀克承典刑期共相依以畢顏冷兄其昭
鑒以相撫冥鳴呼 无敢我悲誠

尹鵠祭魯西文

嗚呼哀哉吾共子遊越自少壯而今至白首矣我固
敬子而子則愛我不比不諂古道以廟有失則視有

得則示而子之浚明我之昏蔽子則通於世故我則
踈於人事然相長而互益庶幾歲寒之是期嗟聖道
之陵夷謂共子而起之世變萬端禮之為訟人之多
改幸子共同俄然一書縷々縷々憂我太甚責我甚
峻豈子之欲相攻以異而我之福心不能化而別也
於是子謂我多撓世裕我謂子不能自樹札翰相難
伊色伊怒惟其相期甚深故相望燥々既惜其違離
也復恨其纏絆也始人疑我共子非復前日之交道
矣此何以故比如兄弟之闕本出於親愛之過求豈
其情之不篤不厚哉尚參差而爛熳一迥然而相視

何人事之奄忽乃遂焉而長逝已而已而悲夫悲夫

懷川再祭魯西文

庚戌

歲月奔趨一暮已薄昔容益遠士友靡托若余顓愚
最蒙麻直今茲老大永失提掖長時蹢躅復將誰極
靜言思惟五內摧鑠昔定兄書謂兄導諛昨共相泣
謂是賢敷昔渠箴規不極不措於今之世不可復觀
此兄之超終底相孚嗟兄忠信豈直今無矧余如蒲
粵自傾蓋雖余捐滯時或不稟崎嶇之勢卒無面背
惟是江說小有未契兄若於海並加原貸余之疑晦
片言即解凡茲話言更不稟訂痛在心曲甚為我病

云々

三學士傳總序末段 辛亥

宋時烈

又竊念我東禮義素明遭亂立僅之人甚多如江都則自仙源金相國以下十許人其他所在委命表著者不可勝數且如潔身不污以守其志者如尹公宣舉諸賢事雖不同而同敝於一致皆不可遺也此不須別立傳記只收其行狀碑誌以附於此編之後則其義該矣

魯西墓碣銘

崇禎己酉四月十八日義村先生坡平尹公諱宣舉

字吉甫卒于尼山之居第遠近章甫無不涕泣相吊
來哭奠贈者不絕于道搢紳之高其行者亦為之歎
息齋咨 聖上亟用追臣言贈官及表需及葬送者
殆數百人既葬其所居之鄉及所經過之地皆將立
祠以享之君子曰盛德之感人也如是夫公八松公
諱煌之季子妣成氏牛潯先生文簡公諱渾之女胚
前光以萬曆庚戌胎五月壬申生焉崖頑癸酉中生
進兩試出入泮宮議論常出等夷常率諸生上疏論
迨崖非禮丙子金虜僭號遣二使至公又倡論再疏
請斬虜使以明大義冬虜大入公奉母夫人入江都

八松公從難于南漢城公其同志欲渡江冀間道達

南漢又論任事人倫安之失既不得行則自請分隸

城守明年丁丑城陷

再本和明年以下六字

難已八松公編配

于永同縣以膏斥和也明年蒙宥移居錦山公一隨

侍自是拋棄舉業專心于性命之書八松公捐館公

其兄弟守喪于尼山盡其情文服闋復啟錦山共市

南俞公榮筭室扁以山泉相對討論窮晝夜不倦又

出入慎齋金先生之門講服質疑遂定師生之義戊

子丁內艱孝宗大王辛卯連陰典設別檢王子

師傳不就明年廷臣相繼論薦遂以侍講院諮議召

上疏辭時公已旼厄山公門高族大為設規約以身
導年又世鄉人行鄉射鄉約社倉等古法老少信從
陞刑曹佐郎再以前憲府持平台自稱死罪臣詣畿
輔力陳江都事以辭逋陞掌令進善又上疏辭 批

曰嘉爾守志不廢力辭上來再疏力辭自是承召不
已遂赴 闕陳情 上即命入對復辭以非所當優

批趣召權公認宋公浚吉先已入朝權公上疏請
令士服入諸以許之復請免宋公曰公曰不欲承命

則亟去毋徒勤

聖意也

三本刪權公以善權公上疏

請令以士服

遂疏徑旼連以掌令留進善召皆辭逋

己亥五月 孝宗大王上賓今 上別諭召之即入
臨道拜執義旋以辭遶除掌樂院正賜食物使入對
辭以疾遣御醫省病詣 闕陳謝出寓近郊除司業
尚衣正又命入對時 因山甫訖辭命南啟自是屢
有執義之命又以 元子講學官召使道臣存問周
貧又以灾異召欲詢消弭之策蓋 兩朝恩禮愈往
愈隆公只受食物書冊之賜而已既沒 上嗟惜其
終不見也蓋公學問之淵源去就之終始人皆見而
知之至其造詣之淺深義理之精粗固非人之所
可知者况余於公不啻黃鵠壤虫之相懸雖公久從

而服公深不足以窺闔其間奧又再本此說全以下

撰從進後餘四十年如磨歲觀無有不盛回以

孰哉諧笑相加則知公詳而服公深恒莫如余也

以老病將死其於此德之文益復茫然不知所以措

辭也竊觀諸賢敘述之文多且盛矣而惟玄石朴和

叔之狀該貫通包據以為說則庶免僭率之咎矣其

語三本則其語二字添遂撮曰云云此下純用嗚呼

此和叔心悅誠服之語而人不以為阿所好者也本

刪此和叔以下十九字改云匪諸賢至其從元龍而

尹伯春所叙墓表則文雅約而意愈隆其於公之始

卒精蘊至矣盡矣更無容贅焉公讀易自謂再本刪

自謂再本刪

字有默契於後天說作疊天面又共市南共著家禮
源流又有文集十五卷藏于家云云銘曰

逝世不悔蓋多有茲聖人而曰惟聖能之伊聖所稱
依乎中庸故民鮮久何以用功惟知仁勇是曰三德
苟不由此其何能入學問思辨是之謂知篤行不措
仁勇是身從事於斯不流不倚公志于此三本此下添未見其
止惜矣未天閱其年斯文氣喪士林涕連昔李文純
銘頌聽松麓高沮溺稱停異同公察其傳曷不欽崇
今世何人以廢以彰允矣玄石三本此句改以寄諸賢極其揄
揚再本揄揚我述不作揭此銘章

揚

改再本揄揚

以攀我述不作揭此銘章

懷川與玄石書 癸丑

尹友文字尊所撰行狀頗有商量處更渠平生不稱
官銜自是高處及聞 贈職命下吾謂其家人以為
若謂 君命不可違則生死何異生既不稱而死乃
強加進退無據其家竟以 贈職書旌題主矣今尊
於狀文其亦然未知有其說耶願聞之乙巳年間與
吉甫會于山寺草廬亦至余謂吉甫曰兄於驪尹近
日所見如何渠便荅曰彼便是黑也陰也小人也余
曰然則兄交道如何渠便厲聲荅曰豈有以為黑其
陰其小人而不絕之理乎余曰兄從此灑然矣其後

草廬謂余曰吉甫外雖嚴正而內實虛惻伊日之言
未可信也余責之曰寧有如許吉甫乎兄誤矣及其
沒有可信一之士自其門來謂余曰尹丈於驪尹其
交道終始無變絕交之言須勿信聽也余雖不敢深
信而亦不能無疑以為草廬之言可思也遂於其初
忌略綴數語微見驪尹取捨之說矣今見其家所撰
年譜益以許尹為可用而尊所撰狀文亦用其意且
聞其柩過城西驪遣其子撰文致奠云彼既見絕而
猶尚媿矜於死後者既甚可疑而絕之之家猶不能
相謝於顏情之間斯亦不可曉者願後草廬來言驪

尹聞見絕之言大志曰於江都事

此平字既書而更排之

吾先

已不屑而黽勉相從云云或無乃其家病此而欲為

緇縫保合之計耶如此則甚踈矣大槩朋友處人倫

之一不可輕離而易合彼驪尹處心行事果是黑此

陰此小人則明言絕之不亦善乎既絕之後未見其

改過革之孱面而依阿苟且反若此之未嘗相絕者

然又未嘗於與聞絕之之人解說當日輕言之失此

皆有不可知者余於其無恙時既不能聞知而講質

又於其孤不能深言每以為吉甫於此必道有理而

愚滯之見未能窺測惟尊必能有所洞然於其間者

願聞其說

玄石荅懷川書

所論曾丈狀藁其稱 贈職者世采不敏膏竊以為
人家狀碑面簽例必具書其人官爵謚號雖有甚不
安於義者既已議定寫旌題主則似不可直列撰狀
之日獨自刪去此則只從其常例而已至於某人事
一段辭意益嚴讀之增慄蓋世采於陰陽是非之際
不能明白去就其始也曾丈贈書鄙人必使救拔某
人誤入未達而世采又敢奉托曾丈必須調劑兩間
以底斯文和平之福則殊非草廬諸見少異矣後來

顛沛遂疑其平日自用好勝之病有以激之而輕絕
故舊亦非細事故已庚以前猶以故誼處之而不無
遷改保合之望及得見其所謂論禮文字然後不敢
為相通之訐竊謂魯丈之意必與世采向來見識大
槩相同茲於狀藁姑依本文直叙其事而意或不至
於大過也今因崖教而更思之謹就舊文略加刪正
以呈 山寺之說世采今始承教殊不知魯丈當時
處義之如何然豈以所謂陰也黑也絕之也者姑以
其大槩言而不至十分究竟故乃復為保合收用之
義耶此恐在先生深恕以得之要使逝者無愧於復

生而不必過為疑異於心跡之際况以子仁為平生
親舊儼然以吊禮臨之倉卒哀痛不能審義而謝之
雖或力量不足而然夫豈遽萌此意於其間哉

懷川荅玄石書

義材狀題頭之論謹悉此首於執事意有所未安則
子仁既在朋友之列似當與之更商故前書敢稟耳
至於某人愚於少時最甚之親及見其吹索朱夫子
凌駕東方先正之後則漸疑其所存時或相規則不
翅冷聽然情義既深故荷其相處朋友於之後及其
喪禮以來則所論幾於上度無事於絕而自絕矣如

羨村自始至終勤勤懇懇不獨渠之相信又欲儕友
之不相疑至於山寺之會始有相絕之語而其後所
聞復有所不然者恨未及渠在世時相質以去其所
疑故敢有前書之稟至於子仁則非敢疑之如來論
意謂孝子之心或恐詆訶及於泉壤而不為已甚之
事云爾

明齋與懷川書

甲寅正月一日

先人狀譜文字冒昧呈納冀幸面蒙開誨而適值誦
候未平不及承一言而退殊以為悶盍矣昨和友轉
云所被別幅讀未及半不覺惶汗之添背也當初受

莫之事前此屢蒙責誨而亦不料見疑以心術之用
至此之深到此何敢更容一喙然某人惠詆之說未
嘗得聞設使聞之所謂依阿苟且之計非惟不敢出
亦所不能為况全未得聞者耶然此則不肖迷昧之
致其受鉗錐固無所辭而至於草丈云々則語涉訕
侮似不全識先人心事者而今不少加裁擇若豈以
草丈言為真然者此則誠不勝慨然之至大抵此事
先人之論假令其門下有少叅差不過緩急輕重之
間而已若非門下之見為太過則先人之見為不及
而已假使先人不能識破其人不過與明道之不識

邢恕文定之不識秦檜同故於百代之評論而已小
異無害於大同異序終至於同故豈是為大段事而
前後門下之教必欲拈執一二語句以為務相困殫
之地至于今日而未已昏惑之見寔未能悟曉其何
以也已酉遺札寔是先人為門下魁之遺意故雖
已後時不敢不暴就有未盡合者謂當諒其平日之
心而已今乃又作一話頭布諸世人之耳目使先人
又受曉之煩舌於身後豈不肖區區不敢自外之意
裁情溢辭屬不自知裁伏想有以宥察之也

又
二月

云：當初呈納諸文字者非惟不敢自外於門下亦
以為前後同異之論無門下非所已知者其所以取
舍而輕重之者謂當默運於權度之中而竊不料提
起彼此釁咎之言要質死生心跡之間作為一大節
拍將使悠悠者得以議其後非但先人平日為門下
懇之之誠阻隔愈甚不肖之昏昧謬錯處於父師之
間未免為交瘡之故者將貽笑於一時而得罪於後
世中夜思之不知置躬之所以此披露衷私冒觸威
尊不覺辟語之失倫內自省循震越無地乃蒙寬容
特加誨荅且許以棘兄之故復賜砭教驚感愧服殆

不知所以仰喻也

懷川荅書

夫朋友講質最是學者切要工夫故朱子於張呂二先生徃復鐫責至於呂先生則於其身後亦追論其流弊不少假借以為不如是道有所不明也此非後人之所當法耶日者某人奠醑宗於鄙意並不能無疑於徃居賓主之際故屢有以叩於高明則高明便寢默不言其所以又不肯脫然引伏私心益復悶鬱只增其疑惑然亦嘗覩朱夫於呂先生亦不能索言榮公之事則一向稟於高明亦有所難安故只以質

於和叔以為和叔熟於彼此顛末而亦見其一二於
先狀則其所以處此者宜有義意此非惟欲知先丈
之義理和叔之筆法案欲以豁此積年蹊茅也其所
聞雖深於此者亦何所嫌耶如來所謂教異序同故
誠是好語然此語施於平日徃復之時則可矣至於
存沒既判則其異者自異而非後人之所可同之也
故愚於先丈在世時每奉稟以為惟此陰陽黑白之
間不可容髮處使我為陰則我當變而從陽使我為
黑則亦當洗而為白矣及至東轡叨倍之日洒然承
一定之教故自幸初崎嶇而卒爛熳矣不意其後云

為斬乖所料則此漢指滯雖欲不疑得手且竊覲前
後來書之意則似若以已酉遺札之故激而有今日
之說者然愚每自以為無狀不見鄙夷於有道之君
子屢蒙規戒榮幸極矣雖有過慮之言固當佩服之
不暇何敢有激而作為話頭布諸世人耳目如來論
之云耶昨見和叔書則其狀本刪改一二段使以來
此別本亦依其所改愚意不然此案定邪正評人物
之大端初以一人之言而卒然立說又以一人之言
而便甬改正則安知今日改本又不為後來之所改
耶此當從容稱停以為改宿之地故姑未承副如何

答懷川書

所謂異序同故云者非謂如此也以為雖有輕重淺深之參差無害於其故之同云爾栗谷之於江都亦受前後異言之誚豈非以攻人者直截一義而已而救人者則有抑有揚有予有奪之不同故聽之者不得其意故耶無泥於跡而徐察其心云者亦栗谷之論也此其今日所論雖有不同心跡之云亦不無分別也耶多少所論疑迫之意未已愚於自解未免妄引前賢非敢以此為指擬於彼此也未知如何狀本刪改妄意以為此事元非大段因此而爭端或長則

所傷滋多不如沒之。為愈故和叔之商量也不以
為妨矣今蒙從容講訂之教益用愧服

與懷川書 屠銘既成後往復

竊觀此等文字專以總論為主先人於門下得托以
講廟之義者四十年矣平生本末宜無不相悉者今
乃曰吾則不知而朴某之言如此云云豈非遠於人
情耶先人平日論議出處與門下儘有不盡相合者
今欲不沒其宗則以為某事某事不相合於迷明情
義却無所妨今以黃鵠壞虫窺閭閻粵等語外而陳
之不但肖奉記不朽之意竟敢落莫抑恐使後世

或得以議門下之淺深則亦宜細思耶竊凡引他觀
人之言者或全不知死者而言者可信則據而為案
者有之或後人不敢自擅而有先輩長者之言則藉
以為重者有之今於平生朋舊不以一言半辭自見
其意而反述後學之語初若不相知者然若只如此
而已則朴友之狀足矣更何必微惠於門下耶區區
策龜欲得門下之一言以垂於永久故前後論議之
異同者不敢隱沒一：輪囷以為裁擇取舍只在權
度之中而其道義相期之義忠信相與之情自然見
於言外於門下亦彰其有諍友之美庶幾處乎父師

之間而無憾傳諸一時共百載而無疑矣今此所蒙
不可謂得論於深望而反或大謬於始料無非不肖
無狀孝不篤於吾親誠不積於師門將未免貽笑傍
觀得罪公議而無以自立於天壤之間不敢不披瀝
心肝以蕲門下之矜察

懷川荅書

五月

竊惟念餘人文字固有忌僭而妄為題品者矣至於
論道學精深重大者則見識寡有所不逮不敢容易
立說今茲狀文案朴和叔極力形容有他人道不到
處則如愚不肖何敢據臂其間有所則定低仰哉且

愚自視猷然而尊仰和叔宗如喬岳焉故意謂此漢
借和叔之重而不甚見陋於後世也今來書以為後
學云則其其愚見不啻相左矣且孟子姑舍頽閔不
肯安焉而及稱孔子則反舉宰我子貢有若之言孟
子氣像其視三子如何也况愚之視和叔如右所陳
則借其重而為說不亦宜乎故今於序文既以不阿
斷之至其銘文論說中庸之道而曰公志乎此當時
煞有意思而極費區處矣不料茲者不舒究之至此
也且和叔論撰或不無更加點化者而意和叔只如
晦翁於魏公一用敬夫文字故尤不敢動着併須垂

察第念晦翁所撰呂先生贊可謂盛矣然浙中諸人
猶不能平則其於父兄師友其心可謂無窮矣雖從
容商量亦恐終不能平此所以初不敢輕犯僭踰之
罪也

與懷川書

前書開論之詳責誨之嚴一一頓首而受之矣不肖
無識亦知溢美之為誣矣豈敢妄懷踰涯之念哉只
是先人平生託契於門下必欲以忠信相與道義相
期雖門下每以小論議之不合或加疑外而先人
懇之誠則可以質諸神明矣有感必有應天理當

然而今此下惠文字終始肆意宗同泛泛自傍人觀之若都無情義者然此不肖之所以慨然痛恨者也倘蒙於前所稟數條者平心舒寃曲加於諒則幸矣

與懷川書

前日所稟先人銘文伏蒙回教以為不可汲汲故至今不敢瀆請云云蓋當初所引草廬之說似全不諒先人平日之心而畢竟所賜文字寔似泛然全不相知者故私心誠不無悵恨前後書辭誠不無激懟者然豈有他意哉而中間行言無所不有令人震駭殆無措躬之地其尤不近情者竊想亦止於區更也今

雖未覩縷而宣容以此遽自外於門下耶前日所稟
總論一款雖不敢固必而猶望其終賜矜諒一二處
更就原本略加籤標以斷財幸倘蒙特賜訂正俾得
為定本而還之幸甚

懷川荅書

十月二十六日

先銘不欲汲汲一者是鄙拙元初意思而今來教
之勤不可虛辱故只修籤處以納而其他則不敢動
矣其總論則容俟識見稍進更竭其愚頃在籤輔時
人無不以此事見詰至於上及師門可知外議涵
然亦豈敢奉疑於左右也○此乃前人有醇德而無

虛心之弊今日子弟欲發其所長而覆其所短正在
專於自己今上公聽并觀打破前案竄白乃可以發
明前人本來心事之正此在子約又有此一重擔負
右朱子與呂以今事言之則設使愚淺真有貶少尊
子約書也先德之意為門人弟子之道亦有此道理況今只以
不槩於無窮孝思之故而傍觀者生出無限不好事
幸以朱子此語遍示先々門下諸人也

玄石與明齋書

向來浮議至今未息都下士夫之泛聽者多以尤丈
為非而其相從遊之徒徃々請問事辭始末或亦致

疑於先庭彼此互爭其流必大此誠斯文之厄也緊
聞函丈之意以為平日於先庭道學造詣未敢深有
相信而遽見其所為狀文稱道甚至故不得不敬重
於彼如許則終難強其所不知而為說云此又難也

玄石荅懷川書碣銘許改後徃復

玄石朴和叔之狀云云凡為人碑表全用狀文古無
其例惟奇高峰於晦齋碑文
如用此則以退澤為序師故也今事理形勢萬不欲托
而用此例見者皆曰九齋之全用朴某文蓋不欲托
手稱說於尹公事收也公雖一掃而用其筆寫去則
此例中刪煩就要去錄存信一以已意標括減文則
鄉文亦不復為下之文雖使言○此和叔心悅誠
者見之必不復生此類乞更審處○此和叔心悅誠
服之語云云此段言者亦以為又碑相譏之意撰文
其主聲人當并及也且如下文至矣盡

矣及銘辭今世何人四句并出云於銘文云云銘者
此未亦不敢為說惟在門下裁處
曰上文皆是後說只公志于此天闕其年方是案事
信如此句則尹公不過有志於此而無一毫所得云
云其言亦似有理差着二句大抵子牙後生之尊
言其終始用力底意恐得宜思
父師與親朋之評同輩輕重淺深有無不同夫以伊
川之狀明道何等致隆而韓持國誌文平々說去不
知為道德君子胡文定之於楊龜山以朋友而稱中
立先生及為身後文字乃反無甚稱美然而未聞不
用其文也此皆平心直說無所阻礙故人不得而問
也今門下之下不然一則曰狀德之文茫然不知所
以措辭一則曰此和叔心悅誠服之語而人不以為

阿所好者至白其不然則曰吾視和叔如泰山喬岳
抑揚反覆之際其說愈多而人心愈不服恐難以口
舌解之今差略加修潤如上所論可矣無已而更爲
改其前規新以已見雖如持國文定無所不可雖平
生議論之不合如尹事緣文相及抑有何妨魯丈之
在九原亦必爲之莞爾矣此乃平心直說以服人心
之大致其些委曲遷就以生無限耶拍者相去遠矣

懷川書

丙辰三月

所論此與先論猶未能釋然之云竊不勝惶恐朱夫
子與東萊言及際公事而只微發其端而已則其不

當初面諭之日以餘地為言此正符老拙之見而亦不敢因此索言以為故一之地者誠以鄙性捐慝或有激觸以兆無禮不敬之罪故便沮止而不敢矣蓋絕者絕也既曰絕之則雖有緩急遲速之異而無復餘地矣今夫引繩而絕之雖大體皆絕而如有一毫半絲之尚存則不可謂已絕也茲承不可共言而止其徃復之論如此則是真無餘之絕也前此每相忖度之罪不可逃矣而莫酬之受左左右引而自責則亦見樂聞過能自屈之勇矣感歎何極

鄙性之解正然在此兩款矣

鄙意則見之妄亦有其說焉蓋東鶴故後伏見所下

書札則以為所謂陰與黑者非指其全體而言也蓋指庚子一事而言也夫以一事之失而棄絕故舊似非先尊丈盛德之所安故意以為猶有餘地矣既有餘地則猶有所不絕者存焉故每以為當時所謂絕之者或出於一時偶然激觸之發也其所謂胡文定云云蓋因兩人舉似而發以明其與文定不同而已非敢以為既絕而復交之也且言絕不絕寧非鄙心之所存也寧以為當時之語寧發於一時偶然而其後所教之書是乃直心之所存云爾然茲者既承明教前日錯料皆可置之而因為後事之戒耳銘文謹

悉朴能盡言豈非人情天理之當然耶以故當時雖
承勤教而不能極意論難者是有所受也然子仁之
所以見教者果如水隨萬仞無所屈曲礙滯使聽之
者魂醒心悟無復一毫之障礙耶抑一毫不能如此
者則以愚之昏蔽底滯安得如按雲而覩天耶郭忠
孝自黨穉後絕跡師門而伊川沒後亦不致莫彼人
之見絕於先丈門牆自處如忠孝則當時安有莫誅
之舉乎以此知鶴奇之先訓或是一時偶然見教而
非出於深商量慮終始之語也以故每以此私語於
心以爲人非堯舜何得每盡善事伊川於明道猶有

所未安於心者子仁如曰吾先人異其人平日樞
雖庾子以後終不忍以禍心疑之至於鶴寺之語不
過一時偶然酬酢而或欠商量者故已酉奠誄之日
吾亦不至斥退云爾則始終表裏明白痛快矣尹和
靖胡文定雖有不絕葦秦之事此何害少累於盛德
大業也捨此而費力喻人故人不能易曉耳

荅懷川書

四月

下教先人事仗義開示不勝感幸夫所謂晦翁之於
東萊不能盡言榮公事者謂榮公家學真是可戒故
不欲對子孫而斥言之耳今先人事則乃先人之心

不見是於門下耳得門下之詳說而得以辨明到底
極之願也向者之進敢有論說而竊覲於辭氣之間
似深有關釋之意故私心之所欲言者非惟不敢盡
而亦以為無事於盡之也不料到今更有此教今不
得不悉布終始以幸財察夫門下以東鶴之語受奠
之舉為前後牴牾之一大事故向來說話則必以為
既絕而復交若以為二三其德者尊文言於舍第曰
則先生答曰安有既絕復交之今日教意則又必以
胡文定字○宋君尚敏亦復云為言絕而不絕若以為內外有異者
以東鶴之語為為言絕而不絕若以為內外有異者
語雖微娛而其不諒先人之心而致疑則一也請明
意察不見美

其不然蓋先人自有此事以後固以彼為陰為黑矣
固以彼為失身矣固以彼為不可共言而止往復矣
此則所謂絕之也其後固不復以彼為陽為白矣固
不復以彼為無失矣固不復共之通往復矣如是而
尚可謂之復交乎夫所謂絕之者亦非一槩也如門
下之絕之則絕之十分者也先人之絕之則猶有餘
地者也不忍。後心相迫及猶冀其止惟其有此餘地
故彼有吊喪奠醑之情而此亦不得以拒之矣然受
事不肖宗當其責今差以絕之、不甚為咎則可也
不敢自以為是矣必以此為復交之證而疑其變換前後則非其情也

先人自少時在朋儕間或有以固滯不動為先人氣
質之病者而至於變換搖漾則萬不相近以此論先
人決非知先人之心者也言盡於此至此而猶以為
有障礙而不能悟則此後不敢復容喙而無望於俯
察矣至於銘文則當初非敢懷溢美之意也若有此
意則神明其殛之矣大抵其義重者其情深故生而
有詳勉懇倒之語沒而有悼惜傷痛之辭者非外假
而勉為之也門下交遊之間能盡忠善之責者唯先
人而已今若如孔明之不忘元直于手晦翁之追思
敬夫伯恭則不但有光於先人亦豈不為盛德之輝

而乃無一句此等說話而反泛然若素不相知者當
初不敢議於同志而直請更加商量者初欲泯其跡
不使聞於他人而悠々之說已勝於吾黨矣此則事
已過矣區々心曲之曾未盡吐者故敢復因此而畢
之未知終以為如何今者改正以惠之教案出望外
若蒙於右一段事洞然開釋而銘文一篇文字手自
定得以垂諸後世而無可議者則向來紛紛浮囂自
可冰釋無餘而極之不孝不敏不幸處於父師之間
致有多少口舌之罪庶得以贖其萬一矣

懷川答書九月三十日

友所籤當更竭駑力奉以稟知曾在石室承教則以
為崔東臯嘗自言碑碣既成之後其子孫來請改定
則不得已改之而深悔學此文字不得使吾文自在
也此殊不然吾則不難於改之又改矣此可見心量
廣狹之不同豈非後學之可法者耶

荅懷川書十一月十一日

前後冒瀆久未蒙誨荅迨懷悚仄伏蒙開釋無餘所
以垂誨者至於縷々今而後廢後無復障礙而免向
門下更事分疎也耶莊誦累日殆不能自己第其下
文似當有仰復者而此則在門下之心數之身誠不

敢更費辭說非姑務息爭端而已未知下諒否

懷川荅書

丁巳元月八日

碣文姑依和叔所籤已訂報於渠今已錄呈

以下荅玄石書

茅五籤論者忖度之說固不足說然又安知此漢之尊慕執事不及於高峰之退隆也且以文法言之柳子厚述其母夫人銘全借其舅之說朱夫子於范文叔母銘全用盧誥狀石室先生述雙清始墓表亦以按狀曰起頭古今文體如此者何限而獨於此議論之此多者竊未曉其故然來示如此故不敢不改弱固不可以敵強亦理勢然也好矣 宋籤泰山喬岳

一段蓋有說焉記昔此漢嘗以嶺士之請碣撰南溟
文字也敢用聖人百世師之文若此一句只見於孟
子之書則何敢如此引用惟朱子用之於高亮先祠
記故雖用於南溟而無所嫌矣今山岳之說執事既
用於用處愚之禱借而用之未見其為大罪也

玄石荅懷川書

嘗文碣文所蒙修改者並皆精當惟其引用狀文有
非區々本意之所在竊覲高篇末梢故宿全以鄙說
為主文勢意趣打成一片則恐門下遂以大段變動
為難故中間不免姑櫟括有之請今承改本只動首

尾數語其言約指遠所補甚巨雖足以塞議者之口
而於采本意則所謂櫟括者猶不得其始惡其於改
前規斷已見之云不翅落莫然此函丈必有主宰權
衡於其間第其總叙中一段自固非人所共知至不知所以措辭恐
不可不更加點竄誠以語意涉於過謙人亦輒目以
退托非情故也至於金石體法尤荷垂矚但今議者
之言正以門下之於魯丈有平生親厚講論之故非
如晦庵之於范夫人王迪功徒能傳聞依倣已也如
何

所云復蓬山書自我傳上有不安於心者蓋昨歲之
許改定也非因極請直自函文提起以為若以引用
狀文為未安則當為改之又極言當初病憂中草定
樣子非宜定本也往復訂議十反無傷所以面命者
不翅丁寧而其後復費辭說又示疑難之意至於與
執事書至以為益難為說則已其當初見教者不無
前却極之區々微誠已殫只得任其進退而已今者
只依舊貫而以為姑依執事所載又引許多用說而
以為弱不敵強今見山岳之說則其見戲猶甚矣至
此則極更有何癘面可以強抗而容其蒙耶且極已

以不敢更瀆為復矣今若自此傳上則不無封書借
手之疑於兄亦恐為累故終不得不封還幸自兄所
直為往復如何且使隱語含譏諷自是文人事於此
恐亦略加箴警如何

懷川荅玄石書

曾友文字更荷示諭無任感戢第每以紆紆見教此
則門人弟子之通例難以朱先生之於東萊贊歐陽
公之於師魯銘猶致後人云云况在下品何敢望免
此乎大抵愚於此事本無固必之意故凡子仁所言
無不副從而至於來教則尤無疑難之意今更於其

間復以穩字穩語稱傳見教則雖十反十復亦何害
我但執事常以總論故重專在執事為不安故改本
取用文潞公采衆論題明道先生墓表體此於傳示
後人尤為有力不知何所歟焉而復有所云耶 朱
先生所以處吳伯豐事固非人々之所敢望然當時
若張呂諸人使言於先生曰伯豐沒後其家受倪冑
莫誅則未知先生何以處之耳子仁於此所言不能
使人渙然冰釋故愚迷之見若信若疑終未脫膠漆
之益也然宋之諸賢亦有誤被京檣所欺者今日此
事亦何至為此友之大累乎唯其後人分疎之說使

人聽之憤：耳

玄石與明齋書

兄所遭父師交互之義求之古今未有可以擬議準
定者所謂父師輕重云者固謂其道本不同頭相攻
擊勢不容兩立則當有去就之分耳今則不然平生
情義未見其有乖所執者只是後事一款而已其所
撰次雖非訂定完好而銘詞之別叙總論之再竄亦
可謂推之重大聽之委曲矣獨其因狀行之過而有
鶴寺之說因申復之切而有泰山之語是皆矛盾詭
說非但無以安弟子門生之心遠近士友亦莫知其

必當而無疑此所以致數歲紛紜者也然以執事所
處之義言之鶴寺之說假令無爽而不過為當初議
論之未定則恐難以此追廢先庭親厚之誼泰山之
語雖涉不情而不過為自家辭義之少差則恐難以
此終尊兄隆墮仰之誠蓋師友交際雖由人合義大
情至寀有未易言者其於從違之道惟當權其遭事
之輕重而要亦不失忠厚之意如右所論乃為得宜
至類龜山論孟君臣之義者况彼此得失關於士林
公議百世在下非可私誣尤當安靜慎密以俟其異
日之大定如何茅所謂受奠云云在高明情事益覺

跋踏然此亦無他奇術惟當講學守正辟立萬仞以
增先德之光似非引咎屏跡所能贖也

明齋荅玄石書

惠示函丈書二段第一段論文字事所謂文潞公不
衆論之論則其視當初仰執事如山岳之說亦不翅
乎轉矣正不必更為瀆冒或復致翻動如山岳之說
也第二段所論吳伯豐事執事之引用初未知其妥
當而所謂仇曹奠誅云々則又加一層矣然此則不
復復言所謂宋之諸賢云々當初說話則固不如此
草廬嘗以此為言則函丈折之曰安有既絕復
交之胡文定乎草廬於甲寅冬言於舍第如此而前

年答極之書始有此言矣蓋欲姑舍既往而專責後人也然其視當初必以此為大累之時則大有間矣後人之受責何暇避也極之前日復函文書曾亦仰效自謂開釋彼此明白無留蘊而今以為分疎以為憤之誠不知復為之說耳○山嶽之說今承來教以為雖涉不情不過為自家辭意之少差令人釋然有悟自此當不敢復置意間矣然若使函丈之意本出於和平公正則文字之過當處稱停輕重有何不可若以山岳之語用於孟朱不可輕下之意使之剛改則雖直言於不肖亦無所嫌况於執事乎今乃內懷

不平而外不顯言隱語示譏至於如此：為何等氣
像而私心亦安得恬然而已乎自有文字事以來函
丈之見於言語者類多如此蓋恐本原之地不得其
乎而然不但為辭意之少差而 前日顯道傳兄之
教以為近來人多有疑先人有苟合之意者云蓋先
人之於函丈契義固不淺矣自戊戌己亥以後漸有
意見言語之不相合者自一家少輩或有累誦斯疏
之戒者而先人之意則不然以為士林為一家雖有
出處高下之不同畢竟休戚福禍當同罪而共傳不
可二視之也無彼此無物我必欲納於無過以為尤

翁之不能受言在於主張之太過而其辭氣之過當
則又特其氣質之病耳一切容而不校而惟眷之於
本源之地又以為尤翁一摸晦翁非晦翁故事則無
以納約故必求晦翁事案及言語以為開導之資又
恐論議之歧或有門戶各立之患以流弊於後學故
痛去圭塵不自標置人或疑其委曲之太甚而先人
之心則不要首快於一時也然則今日只觀兩家書
札而不諒先人之本心則其致疑於苟合者亦無足
恠也噫先人有此至誠而既不得相孚於當時又未
免見疑於後人而函丈之自主益高為德終孤學問

之力卒無以勝夫氣質之用矣無論門戶之箇之分
裂即戈戟起於同室流言交於門牆使四五十年墳
麓麗澤之地一朝變而為蟬鷸蝸角之塲萬事脫空
一握為笑天窠為之謂之何哉前日鄙書所云只如
牛溪所謂杜門不見人面而死者蓋謂此也 竊惟
念先人之學主於窠師門之學主於名所謂名者非
名利之名乃名目之名也以此先人之學用力於內
而德修於己師門之學托重於人如必引晦翁亦事
夏篤聖人信之事
而群施於外此其入處固已不同矣因此以往故先
人之學卑近乎窠而反躬彌切師門之學高遠卓絕

而衛道益尊此其先後本末如文質之相須不可偏
廢者而師門則主張太過自引太高主張太過故已
不能虛心而受益自引太高故人不得敲疑而發難
於是尚同者見親而督否者被陳直救者有患而將
順者無灾又嘗言退陶之學一宗晦翁而於其剛毅
峻截處終似欠闕云々盖以此病於退陶而自寧則
又未免偏於剛峻一邊夫主於義理則當不期於剛
而自剛矣而今主於剛故反為剛所私如居簡之多
一簡字也自克勇者為剛而今以貴人猛為剛理勝
德者為剛而今以力服人為剛是以常有傾到海底

底意思而未有春暄物茁之氣像但聞攻入勝人之
話頭而未見泛愛成善之真誠是以見於酬酢之間
者其於特敬窮理克己躬行大規模嚴心法字地用
功之處則鮮或及之雖或及之亦略綽從外面談過
而譏誚諷切抑其奪之意則揚開口肆筆痛切深嚴
縷々而不厭至於引繩從違於一言之同異一事之
差至今之又分拆之又拆平生情義棄之如遺則又
類於申韓之少恩此其夢回之偏氣質之疵回其所
長反成其病而得失之效至於此頭地者也古人真
見義理之無窮故其虛心造道之意亦無窮衛武公

九十歲警人稱肅聖誠以函丈氣質之本剛學問之
積功素偏而就中領惡而全好盡底裏擢去辛葷而
粹然一出於天理則既往之得失共他俱徂而平生
之樹立卓立不磨真可以有辭於晦翁而不負其初
心矣區々賤惴誠知其如此而既已見阻恐重得罪
無有少補而反致大傷故抱茲耿々不敢發口此為
永負師生之義而亦無以自鮮於後世者也

懷川書

煇文再度許改後徃復

先銘蒙許更示其荷不鄙昔年清陰謂崔簡易云云
上見愚雖無似常以為師服之地今茲之事固是愚昧

之致亦是先先生門下持論太峻出言太蔓尊如楊
相與壽親如和叔無不貽書致詰令人惶恐亦不無
訝也今以草本更加商訂改下穩字穩語明以見教
則雖或不能無商量處而亦不敢膠守初本以為直
遂獨見之地也

荅懷川書

戊午九月

文字伏蒙又賜改惠之教敢復呈上而煩瀆至此則
惶悚極矣其蠶標者皆和友之意而以為只用此本
則不過如此且半以下全用狀文故文字不類以上
云々極之僭見亦然若蒙大賜得改全篇機軸則固

大幸而不敢望雖就見成底票想既云提其精惡則
不必依本忝照首尾一筆寫去成一完好文字則豈
不幸甚蓋既成而屢改故不無痕跡若此筆從頭一
勘則必添刪長短自合律度而無待於籤票矣過此
以往不敢妄論

懷川書曰先銘謹依來意竄定旋思此作曾引文公
要見已以一本送付姑欲俟其回示更加商量然後
奉呈故其原本付諸疇孫日後復討討此孫也
已未
碣銘

往復
止此

與懷川書

草序禮說事往
復西辰五月

蓬山語錄尤翁曰見草廬禮說耶對曰未得見矣
曰亦一可玩文字也其大旨以為不可稱廢及嫡
統一節略加彼輩所言矣對曰果然則十四五年
所講服者何事耶到今變說則豈不為彼輩所笑
乎尤翁曰少輩則皆以為草廬欲免禮而為此說
吾則以為可發一笑君可一見令時錫搜出則曰
宋尚敏持去矣尤翁曰宋尚敏得於草徑駿而來
示君故懷德可負見也

草丈禮說得見於蘇堤非廢說也彼以廢字為罪故
特解之曰我亦非以為廢也只謂以廢為適云耳蓋

主於發明而已非度其前見也然到今發明有何補也真箇下教所謂可發一笑者也

還至懷川見禮說以書復祐中

草廬書曰聞子仁徃拜長箴有何說話耶人之所傳豈皆實然之多有可慮者恐其死期將至憂厲憂厲極聞草廬有禮說於蓬山改而得見於子慎遂以一書復于蓬山矣其後執中見李上舍頴則以為草廬之為此說也尤翁徃復與至有尤翁點化之處云極初不信之曰若爾則函丈何以為宋尚敏得於草廬而來示耶何以謂略如彼輩所言而可發一笑耶必是李頴之妄傳也其後得草廬

此書所以斥尤翁者至謂之死期將至則其相殺甚矣無乃亦曰禮說而發耶尤翁果與草廬往復其說而到今反疑草廬又若始見於宋尚敏之得於草侄者然則草丈之深恠而甚激者亦不足恠矣二家少輩互相攻擊猶不足道而長者此訟不是細事未知收殺之如何也

其後李君頴來見示以尤草往復書及禮說點化之本又言兩家相失之由此殆非一朝一夕之故也特發於此耳草丈平日持論固以一言一見之同異為彼此分之拆之又拆又分平生情義棄之

如遺以草丈言之則今日正所謂反中其裨也正
好自反自艾而以尤翁言之則平生朋友無有全
其終始者蓋其自處太過知有已而不知有人又
不免有火澤上九之病此固氣質之所用而學問
之偏亦可見也以此草廬之論以火濟火而畢竟
至於白首按劍可勝歎哉

草廬書

近來京鄉士友書問有何新作文字盡改前見求令
驪論耶必得草本可以解人之惑云々徃々未免酬
荅亦一苦事此為中間喜事之所為然其父報人報

仇其子行初理或然矣此傳聞格中有話說以長書
大責則答曰別紙一笑此翁徃復至無辭則不答以
戲之例也此公不早從事於學則終始險難人英氣
發用害物多矣念我師門衣鉢之々法忠厚質樸真
誠無偽隆師之道育才之規交際之間一毫不苟最
是無契後來傳之得其妙者蓋寡矣宜乎末流之紛
擾有不可收拾也鄙人素昧知識不喜議論庚子八
洛時連蹇上而市松諸公皆欲聞其說故不得已有
所辨說甲寅在碑岾時亦有一二士友又問其說故
若干文字書以示之其所以為說者其尤翁有異則

恐生爭端即以其說專送僧人於萬義則尤公添入
八九十字而還之李雲舉亦謄寫而去矣今之謬者
以立廢子為嫡子者為我之罪案云然鄧說庚子曰
升為嫡甲寅亦曰嫡子前後無異也江都自家擬疏
亦引聖廢奪嫡之說曰統已絕於昭顯又曰嫡統何
畝則彼此相似也何故無畢辭於專人徃復之時而
今始出於其孫名呼老物之後郎皆可起也使鄧說
其已竟相違或有不合於禮則私相反復可也又何
故陰付其徒傳播中外若是其紛紛耶是故吾憂其
失常死期將至身宣意復更延喘更見尊先公其同

春平生境界耶好笑好笑

所謂更見尊先公共同春平生境界云者今亦可
追恨也然於先人則只以驪江一事也雖謂先人
之看人不破所爭不過不及之間身於同春則
較深故同春嘗指先人而面數尤翁曰某之字猶
是外人豈料此中指已典潰裂之至此耶當時草
店案以附清風而殺吾輩面折同春故同春與希
張書再言可怕可怕希張嘗以此書示我豈知尤
翁之事也好還之道亦草庐所當自反處也

附草廬與懷川長書略

兄之孫呵叱老物無所不至皆籍長者之言云中

間所傳豈皆信然而其父報仇其子行劫不無其

理矣礪山南說南有昌田當勸導事吾所親聞故草塢扼上

只傳所聞更無他意而逢怒於賢孫到處名呼而

辱之老物疲甚固所甘心兄莫氣害物學問驕人

又豈盛德事同春一生不勝其苦豈謂今日又見

此境界耶時禮謗新出今日之裕鑄之所致然昔者二

師宋之徒各分門戶以某祀諱妄發之言有傳於

清風人皆以為裕根今日聖教所謂切齒云相

遠者未必不由於叅乘也然兄之驕章竹行又

宣章子厚所為耶皆有命焉何故及相疑也欲此
之廝唯耶同春嘗謂余二人都是機閑而以兄為
甚云又有甚於此者今吾復為此說未免同春故
事幸一笑也

續辨錄按甲子書出後懷川與文谷書發明機閑
之說而引同春高山仰之之語且曰同春若密以
四字私語於此尹以悅其所而所言相及則其思如
蚊何不以一言明同春之無是言而只以一笑答
之耶其時草廬親與為敵手自作證而草亦自
在機閑之中難以相譏故默受之及是時草廬

已矣草書未出矣便無證左故向文谷抵言如此
合兩說而觀之虛席自露矣果如懷言則權致道
何不從其師說而乃艱辛以老峰宴席上戲語為
護耶祇見其寔遁也權相江上同卷云同春於老
掌席上以宋相秘故期不信

戲曰都見
機因云々

與懷川書

頃得草丈書辭意似有甚激者而前日所謂禮說聞
聞李生賴之言則謂曾徃復於門下非私言云々草
丈書似亦指此也草丈亦有書於門下云未知果如何
既有所聞不敢不略復伏乞裁示見草序前書
復于懷川

昨又得草丈書前書之似激者果引禮說一事而其
他說話類皆出於憤激恐非獨因禮說一事而發也
未知何故至於此極耶然既非妄說又非私言則草
丈之補完而不能無慙於門下亦固也若非門下之
開釋鎮定而保合之則深恐終無收拾之地而不但
為草丈之貽笑而已未知以為如何

見草序後書復于懷川

草廬禮說反復觀之終未見有妄說處今直示之
以妄見蓋免則非其情也前日尤翁見謂宋尚敏
得於草徑駭而未示又謂其言嫡庶處略加彼輩
所言今以其禮說規之未知宋生之駭之者何語

而略與彼輩所言者何自耶案未可曉也且既已
往復而求雲攀亦騰去則何以謂得於草徑耶此
訟則尤翁似終窒場初欲以此意直質其類而子
敬諸人以為既以屏誓為分則不宜又入於閤場
且名雖師生而誠案未孚若尤翁亦致疑於黨草
則不如不言余因思之無論彼此得失當此紛紜
之日又以禮說起鬧極不幸事且潰裂已甚非愚
言之所能輕重尚口誠不如括囊草丈既葬已有
書則不可不略復尤翁而終未免少露鄙意未知
終果如何也

荅草廬書

下教縷々為之三復太息積日而不能已也所謂文字既非私言又無變於前者則悠々口舌何傷於門下也昨日蓬山書為及此言然却恨門下初非此無益之辨以重關於此時也言之無及奈何奈何昔者春翁有言於先人吾儕無一人無病痛又字呼先人曰某則猶是外人宜料此中之潰裂至此也仍為之介然不已云此則門下今日不宜獨咎先翁也安得一奉誨晤於寂寞之濱盡平日多少廢積也耶今日事無論彼此得失將永貽後世之笑矣痛恨痛恨

前書并呈所僭效自反二字未知門下不以為忤耶
第切悚仄

懷川荅書

別紙甚荷彌迷之勤但此兄已作如此頭勢豈作書
乞哀之所能已也去年北路時聞此兄言某之論禮
之誤可死云々故此說尹義濟亦聞之矣愚謂此必
以為當初禮論極言不諱其勢當死云而傳者轉語
之誤耳其後又聞此兄作說頗異於前見既而李厦
師來說曾拜某丈於松京路上則其論可異雖不信
聽亦不能無訝故於子仁枉顧之日奉要覓見其新

說矣及承面示則又自信前日相信之不謬也去秋
夏間京裡少輩以書來極其紛紜謂時輩得其說以
為奇貨其名曰反禮愚極憂慮而不得鎮定之策竊
以為京中少輩之信服者無如李君嘉朝亟答其書
極言其心之不然矣今七月得見此兄書則其別紙
所詒不復以人理相處不覺失笑既荅原書而末端
有別紙一笑四字自今思之雖知此兄之不可以開
說然略道以不必然之意而兼致遜謝之心則終未
必回頭而在我之道無闕矣既無誠實懇惻之意而
加以戲笑之語此素無涵養之功而然矣思之深愧

然既往不諫當盡吾故舊之道只以平々存問之語
致此誠意俟其怒之少息然後輕々解釋而已愚見
如此故來教未敢遽爾承奉未知如何甲寅秋禮說
徃復之云誠有之間有以愚意添刪者矣其原說雖
間有不必要言者而其全篇自好似無害也

荅懷川書 丁巳二月

禮說一款不欲更為提起而草丈之深憾而甚激者
寔在於此區々中心之所疑亦有不客不稟者蓋當
初門下之使疇錫搜出而不得則使拯覓於見敗路
者即宋尚敏所得之本也宋生所得之本即甲寅秋

往復之本也此乃宋生之以為可駭而門下之以為可笑者也今此下書則以為甲寅往復誠有之其全篇自好似無害云々若於當初宋生之駭而來呈也即答之如此則似必無今日之開端矣而既不說破往復之事極之見宋生也宋生亦不知有往復至於案訪亦不知至以和無往復抵言於人以取人言極又有可發一笑之評則少葦之紛紜固其所也然則今日為門下計者所當引咎自責以為少葦紛紜之皆我之過也躬厚薄人開釋彼此既以謝解草丈又深飭少葦使勿復作然後庶幾有保全之望矣若其不然則所謂平々存問之語安能以息草

丈之怒耶竊恐門下於此或未之深思也夫致起於
李譚之言而遽以往復無害之禮說疾攻草丈使之
激怒於門下者少輩之失也聞少輩悠悠之謔而遽
致長書辭說多端有若相關者草丈之失也今日之
事竊以為不免於胥失也故屢意兩家各自反躬不
殿相下務盡吾誠不見人非然後庶可以略全故舊
之義而終有和平之地矣未知門下以為如何誤禮
可死之語某人亦聞之說恐不當出於門下也疑人
則人亦疑我此激則彼又加激相疑相激莠言日生
旁覘之笑有不足言而後世之譏何以自解耶草丈

則已展難縮今日善處唯在門下私懷煇之不敢不盡

懷川荅書

別紙可見仁人之心然此事儘悠々何必汲々求鮮耶且所論諸說或有非寡此者所謂奉對時以禮說為可笑不記其有無如果有之則有由然矣愚每以為今日之禮禮說為虛設而其寡有在故凡於論禮得失而一例竊笑之無乃其時亦如是否誤禮宜死之既自是不近情者而其所傳說三人皆是高明之連袂則必已熟聞教略陳愚之為彼解釋之意而無

以鮮高明矣今反以為出於罪累豈所謂不盡人言之意者耶幸取前書觀之如何甲寅萬義兒時子入京不在側其徃復禮說喪亦悠々而不置意間矣是何大事而退後必言之兒子自謂不聞者案非歸葬也孫兒亦然々亦何足分踈也

萬義徃復之說以為是何大事而必言云々果若以為初非大事元不置意間而不復發於言端則如此可也今此則不然宋高敏既以為可駁而來呈少輦皆以為變說而高兌函丈亦以為可發一笑則果不是以為大事而果不置諸意間耶於此

時也。若以為既已往復云則開端何自而生也。到
今以為是何大事而追後必言者是果成說耶。函
丈於此只發引咎自責之言則草怒可釋人言可
弭保合和平之路可望而終無此意思極可歎也。

懷川書

己未九月

示某事當此斬伐之時尚有得免者幸孰大焉。所謂
狼狽者略綽想見矣。如我愚蒙梓承見待之問誠不
知所以為對也。自惟方俟不測之誅顧人之所以見
待者如何敢有所長短於人哉。第下問之意似非閑
漫幸望財量見教俾得奉以周旋也。

此書中畧白草
丈蒙看出於意

外此丈狼狽已不可言而未始
以下何以處此云故答書如此

懷川書

曾承待草之問還以請教而久未見報不勝悶
意以為聖旨所說中雖如此、不過畏死而匪有
他意則直是可哀故欲以矜恕之意待之未知如何

答懷川書

既以畏死斷之則已無餘地矣彼則方以此邊之造
謗為致此狼狽而今又從而寤之雖欲待以矜恕其
孰能說之鄙見則只在前書未知終以為如何

擬與懷川書

辛酉夏○辛酉以後往復

竊承前後下教每以世道為憂而要其敝趣則未嘗
不改重於言論抑揚其奪之間釋之於心竊不能無
疑也蓋聞朱夫子之訓曰須是先得吾身好黨類亦
好方能得天下國家好而所謂好者皆稟皆大又久
遠若不自吾身推之則彌縫掩覆雖可以首於合一
時而凡所謂好者皆為他日不好之病根矣誠如是
則世道之任安可易言苟未得先好吾身而只欲為
彌縫掩覆於外面之計則隨吾身所處之廣狹莫不
陰視我為標準而同敝於不好况又為之言論抑揚
與奪以敝之哉然則其所以任世道者適足為世道

之害身極以忝在門下之久得以竊覲於所存所發
似或未免於朱夫子所戒王霸并用義利雙行之說
其初蓋未嘗不反責於吾心以為吾所見者僭耳妄
耳比年以來心中之所疑日以益甚雖欲強而不疑
終不可得竊自念以為吾所受於門下者晦翁之書
耳何故些晦翁之書若不相似耶若舊疑於心而畏
獲罪於門下不以仰質則是為永負門下以及於晦
翁身茲敢一布心腹倘蒙赦其僭妄而察其忠悃則
幸甚幸甚

極恨此欺之久矣而畏者門下在厄之時
則恐或語句之渾漏以助護賊之口混然
不義以至於今猶緩無誠常所自訟在斯見
之誤入通以商度自致迂延伏乞并垂宥諒

夫所謂王霸并用義利雙行者何也請姑先以所發
一二事者明之而論其所存於後可乎竊覓門下道
學一宗於晦翁事業專在於大義其初固將粹然一
以天理自期寧有霸典利之可言哉唯其晦翁之道
自任而大義之名自樹故主張不得以不過自引不
得以不高主張太過故已不能虛心而受益自引太
高故人不得敏親發難而於是尚同者見親而督否
者被疎直拂者有患而將順者無災此所以大名壓
世而崇德內疚者也此則發於行已者也嘗承教以
為退陶之學一摸晦翁而其剏毅峻處截終似欠闕

蓋以此病於退陶而自處則又不覺偏於劉峻一邊
自克勇者為剛而今以責猛為^上剛理勝慾者為剛
而今以力服人為剛則亦非真剛也是以見於酬酢
之間者其於克已躬行案地用功之處鮮或及之而
譏誚諷切抑揚與奪之意則開口肆筆痛切深刻攻
人勝人之語不絕於話頭至於引繩從違於一言之
同異一事之差互分之又分析之又析平生情義棄
之如遺則又類於少恩之申韓此則發於接物者也
惟其如是故進於門下者莫不以承望附會為賢尊
傾訐陰薄為嫉惡高者冒其名下者貪其利一例學

為談論而其於性情身心日用彝倫之上則皆蔑如

也

語類論陸象山之前過便多得意慢無恥長少之

有羞惡是非之心然不羞其所當羞不忠其所當忠

是其所以非其道誠可怪也是以在朝則以必同異為

親疎以好惡為彼此新舊相傾到處區分而士夫風

習之壞不但私意之橫流矣在野則相歆動以勢相

怵迫以威緝言納媚毀人發跡而鄉黨風俗之乖有

同穎川之鉤距矣至於州縣之饋問過禮士林之承

奉過情者愛其威不懷其德宛然成一富貴門庭而

無復儒者家氣像矣卒之平生親故無一人全其終

始使六七年填麓麓澤之地一朝度而蚌蠃重為
觸之塲將未免貽笑於後世則又無異於闕牆之度
矣其影如此其形可見此則發於符驗者也至於文
章言論無一不本於晦翁若無晦翁之言則無以信
其說然庚考其宗則或只得其名目而其義意則未
必相似者有之或先立己意而引晦翁之言以重之
者有之其甚者幾於挾天子以令諸侯者有之是以
人皆外不能抗而內多不服其發於文章者如此晉
南先生嘗論門下之文以為每論必引晦翁其一病
也極嘗以平似於門下則笑答以為不如此則心下
銓然云當時深服門下之篤信晦翁矣退而思之篤
信聖言不如反求諸己則市翁之言豈無所見且晦

猶書東來之後其尊信受用未有盛於退陷而其後則

門下自然退陷主於依樣而其意誠門下則主於引重

而其号大於此類亦平生樹立案在於倡明大義然

所謂大義者非可以言語取辦也亦非可以然諾取

必也如孝宗初請對等事皆要得君父之然諾其

初固有喚醒人心奮動瞻軫之效而稍久則無案以

繼之是以所謂修內攘外安強復靈之蓄者了無卓

然可見之案事而所可見者只是祿位之隆重聲名

之洋溢而已其發於事功者又如此程子曰為名與

同其利心則一也此類以此所發於外者揆之則所

存之一二亦或可以窺測而言之矣竊謂一則氣質

之不能變也一則學問之不以誠也何謂氣質之不能變也栗谷先生有言曰矯氣質之法在克己不能克己則無以矯氣質矣朱子曰己之私有三性質之偏一也耳目口鼻之慾二也人我忌克之私三也栗谷曰己之難克者唯忿其慾謝氏曰因其慾正相反能勝物之為剛故常伸於萬物之上為物掩之為慾故常屈於萬物之下夫忿其忌克似剛而非剛無他皆是人慾故耳竊觀門下之輩質剛德為多而其用有不能純於天理如右所論故反為是德之病真所謂己之難克者也由其己不能克故無以矯其病而

全其德所存所發者無不固是病而生出者也何謂
學問之不以誠也子曰主忠信而朱子解之曰人不
忠信則事皆無實為惡則易為善則難故學者必以
是為主焉又忠為實曰心信為實事栗谷先生因而
申之曰天有實理人有實心人無實心則悖乎天理
矣一心不實萬事皆假一心為實萬事皆真故周子
曰誠者聖人之本今也氣質之病如彼而不能矯則
其不能實心為學即此而可卜矣夫義者天理也利
者人慾也純乎天理者王道也雜乎人慾者霸術也
所存所發如右所陳不可粹然一出於天謂理則安

得不謂之雙行而并用也嗚呼以我門下聰明剏教
之實專確密察之學平生樹立之卓而由其一識之
立一己之未竟未稍失得之效至於如此之宣獨
門人後生之失其依皈而已竊想門下之明反而求
之亦必喟然有學負初心之歎矣由此構經之大義
晦翁之法門其夫措紳章甫之宗匠都倚辜於門下
之一身而將無其宦可以真有裨於天下後世則豈
非萬々傷痛者乎今差為背城借一之計則中子竊
願效一說焉衛武公九十五猶箴警於國曾子臨終
易箴欲得正而斃焉漢武帝行年六十有八方有輪

培之悔既往之愆與化俱徂而方來之善照映簡策
誠以門下氣質之本弱學問之積功一朝奮發洗滌
辛葦剷除鱗甲一誠所立百志俱貞由裏達表自小
至大無往而不出於天理予以紹前統而垂後緒以
酬初志之所自期者真如戶樞之轉身未知門下以
為如何固知此言朝出而四面詭辱之言夕集于身
而師友之義終不敢默不敢此瀝盡肝膽而一暴焉
弁感於門下昔先人常語不肖曰老翁突兀處難及
不知又曰九翁受善之量不弘汝復以朱子書隨事
切齋如古人之以三百篇諫可也蓋先人之於門下
寐有至誠無彼此無物我必欲翁於無過又以為非
晦翁故事則無以納納故必求晦翁故事以為開益

之資其教戒於不肖者亦此意也又恐論議之或
有門戶各立之患以流弊於後學故一切容而不較
使人無得以指洩為意先人有此至誠而既不得相
爭於當時又未見疑於身後而逆耳之言不復聞
於門下矣然先人則以門下之病痛專敏於氣質之
用而今曰妄見則常無起於本原之他若使先人得
見今曰未復何則以無老少之異而血氣則老而衰
且竊念存道者心雖無老少之異而血氣則老而衰
耳今本原既如此而精神思慮則亦容有不能照管
前此者矣門下生少輩無有真誠愛護者不能為之
闕補絃而後復嘆張傳會反貶其累誠切痛悶不能
為心今此忘身索言非但不能負門下亦欲卒先人
平日之伏乞留神澄省倘蒙察此微誠而賜之誨答
曰雖或誤入庶有閒曠之望矣千萬無任拱俟之至

明村與明齋書

壬戌

去晦玄石端人懇書要會於廣津故初吉往會則玄

石言纔因宋郎聞之明齋使權某之子送言于尤丈
曰從今將斷書信而不復通矣尤荅吾今八十朝暮
之凡事不可泛然若斷則明白為之云々蓋權子往
復之後又有書來懷川倅農亦頻往來故也此丈方
待尼山之先絕云與仲夏相會時語大相不同未知
何故耶又曰此說出自權故彼家將信將疑若中間
造說則使彼家知其離間之說似好且曰尤丈雖假
借必作道理說乃曰朱子以伯恭之過言于子約吾
以美村之可疑處與朋友講說某也大以為駭為如
此之舉云々木川事亦為美村而發之而彼甚惡之

云々明齋若果絕之則尼山當專其咎矣余曰若父
兄有過則已無過而毀傷之父師將不兩全則豈可
以師而一向默然哉荅曰曾丈既共為道義之交彼
丈雖假之既作道理說則案無可絕之義關係甚大
且係斯文國家之害深矣其在仁人之道默而待之
則自有他人是非云々又曰草序從前不美人皆棄
之向來書札尤為不美雖曰禮說不変元無可取鼻
強之師難使粹然從人則一二番辨疑可也縷々不
絕則不可况彼家疑其為草而發之由此增鬧似不
量力復為善處之意通之云々郵意即今時世如此

士林如是大潰則宗係國家之安危姑捨隱忍為宜
未知明見如何此事虛宗顛末詳示為仰

玄石書

云々之說出於中間秘涉駭異想羅友有所奉聞也
大抵無論虛宗大小必有辨釋摧謝之舉使長者渙
然相信然後可免他患更乞深惟大義所係有所善
處千萬蓋前日未發之書意京中士友亦多知之者
皆以為大老所述墓碣文字及他說話雖似有失猶
於其前兩家別無大段相阻之跡則人或不甚異矣
至於此書雖曰公誦學術言之弊其宗在於文字

說話之後人皆知兩家不協已久豈有遽信其言之
理耶如此不已不但有害於某丈誠或轉礙追累於
先々生非細其說同然尤切憂念

荅玄石書

并示明

昨題道以所被小紙及所以轉教之語見示甚詳即
欲奉復且稟鄙見之所疑矣旋念函丈西行而此言
新出洛下紛紛可想此中說話又復曉々則無益於
事而只自煩舌恐不如靜守無辨之我徐待其必定
身昨奉手誨倚念加切且示以善處之方尤以警惕
敢具前後曲折如左以聽高明之裁教焉蓋今正月

望聞權生來訪一宿而去其時新遭木川事極其之
說以為木川事如此如此必是出於函丈門下而函
丈不肯說破所聞之處便引以自當以此更不敢問
且使我自問於許璜者亦未曉函丈之旨故久不能
奉荅云且言義利雙行王霸并用此大學誠正之學
不同春所謂都是機閑草廬所謂全用權數恐是
函丈之稟病吾欲一質所疑久矣而情義既阻不敢
有言常懷孟結今此木川事又重得罪恐自此終不
能有言云々權生之達於函丈者即此言也昨招權
生而問之則以為既聞此言不敢不告而函丈遽言

曰若以言其先人事而絕我則可也若信草言而攻
我則不可云々蓋以不能奉答及不敢贊起者為相
絕也然則今日所謂相絕之語及所謂共草庐合之
言恐是因此而出也草庐別有何相合之事乎只是
當初鄒見以為兩家胥失而徃年函丈之還自海上
也徃候于蘇堤其時草庐亦獲故公州故故路歷候
而已有何共彼相合而攻斥函丈之事乎二事曲拆
不過如左而已至於碣銘不溢美之故有憾云者函
丈當初之說也不肖之無此心高明之所諒也朱子
之言呂東萊事者亦函丈中間之說也高明既知依

道理說則更有何言來教所謂作書推謝之云鄉見
不能開或輒敢畢暴心腹函丈之於先人自碣銘以
來宗非一事一言而已至於木川事而極矣人子之
心安能晏然如他日由是情不能不異於前矣極之
於函丈宗不能無起於本源言行之間有如前日所
論者而不敢講質古人所謂師生者宗無如此之義
由是義亦不得不異於前矣以情以義俱不能如前
而自不知其非則雖欲推謝何以成其說話耶若直
以此意自首而今疏其無相絕之言則權生所達亦
只此意而函丈已認以為相絕矣安有渙然開釋之

理若尋常問候之禮則雖不能如前頻數固不敢廢
矣知我罪我只在此處幸更賜提瞞俾得奉以周旋

玄石書

正月十日

李同甫往臣江權致道為傳函丈之意云自此恐無
其尼山相合之路渠請故函丈為言前後曲直曰人
言西家之平始於碣文非也不案乃始於書中八字
又曰此事和叔當其先漢平今其過又曰至於輕我
以本川事則豈不慨然但且恐非子仁本意也大槩
如此云前書辨釋推謝云者今若以無辨為主更不
通書則是將執此而相絕者正與前日奉議之旨不

唐遠越未知如此其能無君子之責耶懷川事具在
荅季氏書中亦須示其可否也

荅玄石書

正月二十九日

李同甫權致道相傳之語深感開示第吾兄所教更
不通書者則恐未俯悉也前夏秋間有再三候書只
函丈前行之後未能為昨修新元起居身正欲遵依
前日見教之言而行之非敢有度也今不敢縷縷只
得自清而已奈何奈何書中八字之說固以為草語
矣今又何以自當也平今其過之說則尤可歎寧有
函丈論先人事於吾兄而不許極與知之理乎兄亦

每以為言若以為訟過者然尋常未曉故敢略及之
和友書只得略復如右不敢深說者欲姑守無辨
之戒也所謂木川事則尤翁前後之言案為可疑
此亦初豈致疑於自倡而自和耶只意其平日有
此私意故門下承望之徒托人以為言而又喜聞
而傳說故今則此中之起亦漸深蓋其言初無聞
知者打愚則聞於尤翁郭智叔則聞於尹案而亦
聞於尤翁之在棘中時他人皆不知之也及此中
致起而後尹案往問其言恨則便不言而自當云

云

見書札
韻草

所謂荅李氏云々者即宋子慎五祠事也和叔以
為子慎為師殺身節義卓然可以追配醉棊而無
愧也蓋尤翁初欲配子慎於崇賢書院而以宋炳
夏輩不從之故不得成又欲析醉棊遺壚碑閣而
更為醉棊立祠仍以子慎配之既始役而舍第以
為不可故也夫子慎之平生立心操行耿介寧有
過人者畢竟殞於淫褻可為冤痛然其疏事則誠
有可疑宋誠甫輩豈以畏褻忘師誚迫不已宋稍
不忍其獨介之性而決之於感慨者也今惻其冤
死而贈官錄子則可矣至於俎豆之舉則過其宗

矣子慎安能與成仁就義者比哉和叔許不能作
荅故略記愚見以俟之

與朴士元書

二月十八日

云云尤萌若欲卒聞愚見則切欲一暴前後所欲言
者冀或有一分之益而子敬則方止令勿言義理無
形未知言與不言何者為得也言若見納則彼此俱
好而若不然則當有無限等磕既以屏壑為分無以
報得 國恩之萬一而添一開端於林下以增四方
之僂笑非但為一身之是非而已故吾心亦不能自
斷未知明見以為如何

玄石書三月二十二日

示諭師友間自靖一節反復思惟未見明白可據底道理方切翹慮不置此際又有賤婚謐簡之舉其為愧歎措躬無地但念自八九年來每覲无意或欲自守於山庵或欲奉長幅以俟進退而鄉性昏滯以為如此師生大體必將至於大段乖戾之域莫如度義量時度後保全其大體以及其露時所言尤切幸蒙虛受致有今日所處矣今則因第不密之咎又使吾兄落在十分嫌礙界中假令欲為如前長幅之計恐尤無以力得是皆鄙人不敏之罪也然以今日所遭

言之勢窮理極愈緩則愈有患七羊補牢猶未甚晚
也未知兄或更有思量否○前日甘露時兄嘗謂我
欲進長書竊比於比干一言而死者第曰君臣師生
誠皆以義而合既有比干則又必有王蠋姑當斟酌
拆衷以保全其大義為主蓋謂長書必成相絕之本
也此乃區區奉規而蒙採者今則不然權生傳言及
謗簡兩事出於其間雖曰本皆寀狀而其知傳言曲
析者至夥至於謗簡之說方將盛行假令長者無所
增怒直恐世謗自潰以至不可收拾之域若果展轉
有意外之舉則此後雖欲更進長書其勢無由仍成

相絕之際矣以第無似念兄於先翁自先庭以來平日師友相與之義夫豈淺易而終始不發一言以相質回避詎誤遂致古今所罕之事此豈道理之可安者耶鄉意恐當追釐舊說舉其大而略其小且使其舞意惻怛季曲庶幾信在言前以底於感通挽回之盛事知如何

壬戌梅國樵數之書
為宋淳錫竊去云

與懷川書

四月二十日

伏聞頃年與楊山往復一紙為令孫瞻去得極於案下一幸一悞競悚彌切蓋權以銚有所轉達之後以未見顏色之故更不敢冒犯威尊以畢其說而和叔

得聞令孫所傳函以相叩故不得不一布曲折蓋其
本末已具於其書區々心曲悉蒙俯鑑無論僭妄迷
惑之無所逃罪即前此喫齋悶默至於具書而不敢
進者庸如書前所陳而畢竟不覺為私論背義之故
誠意淺薄見識昧昏無非罪也區々下懷不敢覲縷
惟俟進退之命而已

與明村書

五月

自作之孽竟至貽辱於先人不肖忝厥之罪可勝誅
耶然此豈此人所自為者耶之怒其子而及其親噫
嘻亦已甚矣聞門不見人面而死者是為究竟地奈

何奈何辨章之意非所望於吾兄犯而不校不立
彼我即先人平生心事豈兄未之思耶天地鬼神昭
布森列安有終欺聖明之理只當靜以俟之而已楊
山之以為不可已者亦未知其當也千萬其士威深
思共決且同志之間或有感動者并痛止之如何

玄石書

自宋甥騰簡以來日夕憂愧殆忘寢息雖曰無妄所
致夫豈自安到今惟有追送前書并及曲折其庶得
以償平日師生之義矣前日欲將檀弓經傳附以已
見冀兄垂採其一二而忙遽未暇又師友錄往在他

所不暇詳考今始遂意錄在別紙幸乞商量善處所
教師友君臣俱是義合之說卻意亦然但其事之之
道不同蓋進言於君以犯為主不幸而其君不納重
則得罪輕則放退然而君臣之日終不敢廢也質起
於師以無犯無隱為主不幸而其師不納重則斥絕
輕則見疏然而師生之義終不敢廢也苟以掩惡而
不可揚於人則三者皆然以此觀之則所謂義合者
不過其父子天性對言其有可去之義而已非謂君
臣師生則得罪見斥便當直廢其大義也至於兩師
所學不同一從一違之教固亦有義然恐到此地位

只直於賢者而心体身行之於其未必賢者其姑勿
師法茅亦不當以道之未善言之不用遂廢其義也
盖无此事人多來問第謹答之曰某兄若不及其意
於函丈只作書郵許固未為善今其辭意不出於前
日權生所致又引曰鄙深叩而發則庸何傷乎問者
亦頗領會第聞權生案不敢盡傳兄言而所謄之簡
已遍於中外人雖不非其辭意者皆曰是於師生之
義何如也至於駑台諸公極辨機閑之說不出於同
春其他則以謂此欲指為偽學又曰并其全体而棄
之其終必不但已慮何可言大抵古今經史中無傾

此等事變之人弟子之規其師以致相貳者惟有寒
暄先生芽亦微略甚矣師之善待弟子終始保全其
義者如程子所謂古人情厚不敢疑因為忠恕之至
也如楊子直路德章輩怨懣疑怒靡所不至而朱子
乃為之曉譬慰解苟非大賢和平公正之道能如是
乎以今準古寒暄所責者小程朱所遭者亦不過為
自己達境耳先之所擬敵忠於丞丈雖出於至誠直
是大段道理幸而聽之則善矣不幸而不聽則所係
已重進退俱礙不但為見絕權輿矣之此鄉人所以
雖知過則當疑同寮為師生之正義而乃以勿進長

幅累粟者也到此地頭送書往拜之間屢終所以自
靖者亦只當處其厚而不處其薄蓋無論事之大小
程朱以師而處其弟子如是忠恕和平而兄之所處
倘或與之相反非唯未允於一時物情恐有所歉於
後世公議誠以函丈所失雖非偶然在今老兄自靖
之道在宜十分正當故自未知於高意如何○前日
李姪喜朝來問王伯云々荅曰明齋自有所見以吾
見之未知其恰當回權數權関曰若彼師友論議之
間吾在遠無以知之但如昨年訊言劄子不直救光
南而意頗周遮人或以此疑之矣問門下亦將何以

處兩丈也曰吾之者九丈本不如君輩之推隆要之
以師友長老待之數十年今宜宜遽從其薄乎如明
齋書中之言假使少過快知其非大故向後相與之
際自無此前差殊之理况其意出於為師至誠則尤
非可回者矣荅曰未見其必為至誠處是可慮也鄙
問曰聞武王之說行於世云吾嘗以為師生之間與
君臣相似揜以言之如王勉云々者是也但其命絕
否誰能分明曉得前日此尹令子敬言及之無乃曰
此翻騰耶荅曰臣與君輔輩亦常有此言恐未必專
由於此此事為元思之未有明證然以正義言之

集說劉氏之訓可據以比類言之武王之義可據恭
商善處


荅玄石書

明村便至又蒙賜教感服至意銘結何已昨者鄒見
既未有言於前只當靜俟於後到今貽辱先人之後
則尤難以覲然抗顏唯杜門省愆之外恐無他道理
幸更思而教之如何若北人之疏自是渠之所為則
其誣捏裝綴者有不待此邊之辯明而自有破綻之
路不然則極有難言者奈何李同甫所謂慮非至誠
云者不覺汗下至誠而不動者未之有也苟有至誠

則何至於此乎自訟而已既往都無可言而無定無
力索得宜恐前頭抵當事度不過將益入於坑坎維
索孤陋無其開發而書尺往復未由盡意亦復奈何
士威頭道卞章之意千萬不是而高明亦何以謂不
可已耶先人若至於被罪則猶或可也今所遭只一
橫逆耳且江都事則乃平生引咎者也無可辨山寺
事則証也且似有他意無足辯天地鬼神昭布奕列
何必歎之與之紛紜耶二友諒是止之兄亦勿以外
視如何別幅擅弓以下至師友錄諸條經權諸意無
不備且而無鄉人之如處於父師之間者兄以為既

定師生之分則無論恩義輕重皆共父君一般耶此
處幸明教如何此處打過則無所礙矣





天子同民

天子同民

天子同民

天子同民

天子同民

天子同民

天子同民

法苑珠林卷之四

戒殺第八

辛酉年

前卷三論八十三

如中寶新白十二論二公

衡

論